

ርኢሰ ኢሰያሱ፡ እት አቶብዩ ዝያረት ሽቅል እንዴ ወደ ዐዱ አቅበለ



ርኢሰ ኢሰያሱ አፍወርቂ፡ ርኢሰ ውዝራኢ -ዶክተር አቢ ኢሕመድ እብ ወደዩ እግሉ ዐዘመት፡ ናይ ክልኤ አምዕል ዝያረት ሽቅል እግል ሊዴ ለሐልፊተን ሰንበት ዐባይ 14 ኦክቶበር ምን ገጽ ፈጅር አሰክ ኢትዮጵያ ሳፈረ።

ርኢሰ ኢሰያሱ አዲሱ-አበበ ዲበ አተ እት ኢነት፡ ርኢሰ ውዝራኢ ፈደራልያይት ዲሞክራሲያዊት ጀምህርያት ኢትዮጵያ ዶክተር አቢ ኢሕመድ፡ ወዘር ሕሰር ካጅየት ዶክተር ወርቅኔህ ገበየሁ፡ በዐል ንሳል መጅልሰ ሽዐቢ አሰይደ ሙፈርያት ካምል ለብእቶም ውቁላም ሰብ-

ሰልጠት ሕኩመት፡ እት-ክሰልሁመ ርኢሰ ውዝራኢ ኢትዮጵያ ለዐለ አሰይድ ሀይሌማርያም ደሳለኝ፡ ዲብ እድንያይ መከረዩ ጥያራት ቦሌ እንዴ ጸንሐው ኩብቱ ናይረት ወደው እግሉ።

ርኢሰ ኢሰያሱ እት አወላይት አምዕል ዝያረቱ፡ ምን እድንያይ መከረዩ ጥያራት ቦሌ ዱቅሪ አሰክ ውላየት ግብለት እንዴ አተጅሁ፡ ምስል ርኢሰ ውዝራኢ አቢ ወርኢሰ ውዝራኢ አቶብዩ ለዐለ አሰይድ ሀይሌማርያም ደሳለኝ-እብ ሕበር እግል መሰነዕ ሱከር ኩራዝ ዕልብ '3 ሐቀለ ደሕረው እብ ኽሰሰለ

መሰነዕ እብ ሰወር ለተለ ሽፊሕ ተህየቡም።

እግለ መሰነዕ ወአግቡይ ወራታቱ እንዴ ትዳወረው እት ረአው እቱ ወክድ ህዩ፡ ለእብ ዝያድ 8 ቢልዮን ብር ለትበነ መሰነዕ ዐቢ፡ እት ክል አምዕል ምን ሰማን አሰክ ዐሰር አልፍ ኩንታል ሰከር ናይ አፍሪየት መቅደረት ክምሰልቡ፡ እግል ሐድ 3,500 ነፈር ህዩ ቦኽት ሽቁል ለኽልቅ ክምቱ ትሸረሐ እሎም።

ርኢሰ ውዝራኢ አቶብዩ ዶ/ር አቢ ኢሕመድ እት መናሰበት ለአሰመዐዩ ከሊመት፡ አቶብዩ

ብዙሕ አርዛቅ ጠቢዐት ምንመቤ፡ ክምሰለ ልትሐዘኑ ትትነፈሶ እብ ክም ኢጸንሐት፡ እትሊ ወክድ እሊ ሳኪን እግል ትጠውሩ ትሸቁ ክምሰል ህሌት እት ሽፊሕ፡ ርኢሰ ኢሰያሱ እትለ መ'ደት ዕሪት ወሰላም እት ፍንጌ ኤርትርያ ወአቶብዩ ለወደዩ ዶር ዐቢ እት ለሐምድ፡ እለ ናይ አዘኑ ዝያረት፡ አትመቃረሐት በራምጅ ዐማር ክልኢተን ለድወል እግል አንበቶት ለአመመት ክምተ ወደሐ።

ርኢሰ ኢሰያሱ፡ እት ክእኒ መሰል በርናምጅ ዐቢ እግል ልሻርክ ለትቀደመት እቱ ዐዘመት እት ለሐምድ፡ እሊ መሸርዕ እሊ፡ ኤረትርያመ ተጃርብ እግል ትንሰእ ምኑ ለትቀድር መሁም መሸርዕ ዐማር ክምቱ እት ለአክድ፡ እግል ሽዐብ አቶብዩ ዐውቱ ተምነ።

እምበል እሊ፡ ርኢሰ ኢሰያሱ አፍወርቂ ወምሰሉ ለሳፈረ ውቁል ልኡክ ኤረትርያ፡ እብ ርኢሰ ውዝራኢ አቢ ኢሕመድ እንዴ ትተ'ለው፡ እት ድዋራት መዲነት አርገምንጭ ለህለ አርዛቅ ጠቢዐት፡ አካናት ሰያሐት ረአው ወዐዘመት ጸቢሕ ገብአት እሎም።

እት ናይ ካልኣይት አምዕል ዝያረቱ ህዩ ርኢሰ ኢሰያሱ፡ ጅማ ወድዋረ እት በጽሐ ዲበ ኢነት፡ ሽዐብ ሳቃ-ጫኮርሳ ኩብቱ ሰኔት ወደ እሊ።

ሰብ ገጽ አርጥ ህዩ፡ ክም

ተአምርተ ሕሽመቶም ወሰዳይቶም እግል ርኢሰ ኢሰያሱ አፍወርቂ ዓዳቶም ለወክል ህያብ ሀበው።

እት ሳያታት ሐቀ አድህር፡ ርኢሰ ኢሰያሱ ወርኢሰ ውዝራኢ አቢ ኢሕመድ አበባ እንዴ አቅበለው፡ ምን ፈርመት “አዋጅ ሰላም ወምሰንዮት ኤርትርያ ወአቶብዩ” አሰክ እለ ብጽሐት ለህሌት መርሐት ወሄራረ ለጌምም ናይ ሙስተቅበል በራምጅ ለሰትት፡ ክምሰልሁመ እት ተጠውራት መንጠቀት ቀር አፍሪቀ ለረከዘ ህድግ ወደው።

ክልኡቶም ለሚርሐት እት ህድግም፡ እምበል እት አደቀቦት ወሰዳይት ክልኢተን ለድወል፡ እት መንጠቀትን እንበት ለህለ ናይ ምሰንዮት ወሽራኩት በርናምጅ እብ ክሰሰለ ለለአተላሌ እብ መጃላት ህድግው ወበራምጅ ሐዲስ ኤተነው።

ወዘር ኻርጅየት አሰይድ ዑሰማን ሳልሕ፡ ጌምያይ ርኢሰ አሰይድ የማኔ ገብረኣብ፡ ክምሰልሁመ ሙዲር መክተብ ርኢሰ አሰይድ አሚን ሐሰን፡ ምስል ርኢሰ ኢሰያሱ ኢሰያሱ አፍወርቂ ሱፋራም ዐለው።

ርኢሰ ኢሰያሱ ወምሰሉ ሱፋር ለዐለ ወፍድ ኤረትርያ፡ ናይ ሰለሰ ምዕል ዝያረቱ እት አቶብዩ እንዴ አትመመ፡ ማሌ-ለህ ምሴት ዐዱ አቅበለ።

ሳዋ፡ መሓደረት ወዘረት ዐድል

ወዘረት ዐድል ፎውዝዩ ሃሽም፡ ዲብ ተረት ወመሻረከት ሽባባት እት ሕፍዘት ሰዋልፍ ሙጅተመዕ ኤርትርያ ለረከዘ ሰሚናር፡ እት ዮም 13 ኦክቶበር እግል አንፋር 32ይት ደውረት ክድመት ወጠን ሀበት።

እት “ሽባብ ወሕፍዘት ሰዋልፍ” እብ ልብል አርእሰ ለገብኦ ሰሚናር፡ ወዘረት ፎዝዩ፡ ዕምር ሻብ ሰታት ወሙስተቅበል ሰበት ቱ፡ ሐዳረት ለቡ ሙጅተመዕ ሐበን ለብ ወጠን እግል ተህሌ፡ እብ ብዝሒ እንዴ ኢገብእ እብ ነውዕዩቱ ለልትፈረግ ሰቡል ሻብ ክም ለአትሐዘኑ እት ሽፊሕ፡ ሽባብ መውሀበት ርዝቅ ዕምርም እብ ዋጅብ እንዴ ፈረገው፡ ናይ ሙስተቅበሉም መንበር ለለአደምኖ እብ ዕልም እግል ልርከቦ ክምሰል ወጅብ ሸርሐት።

ወዘረት ፎዝዩ እንዴ አትሌት፡ ሙጅተመዕ ኤርትርያ እብ መራሕል ሐዳረቱ፡ ዓዳቱ ወሰዋልፋ እንዴ አድመቀ ለለአተላሌ፡ ክምሰል ወጠን ህዩ እብ ዛይድ ሽዐር ወጠን ለልትአመር ምን ገኡ፡ ሽባብ እሊ ሰዋልፍ እሊ እቱ እንዴ

ተረደው፡ እብ ክል አግማምም መስኡልዮቶም ጸውሮ ክምሰል ጸንሐው እት ተአፍህም፡ ናይ ዮም ሽባብመ ደርቦም እንዴ ነሰአው መስኡልዮቶም እግል ልርፈዮ

ወእት በራምጅ ወጠን ዶርም እግል ለአዘዶ መስኡት ክም ግበእ እቶም አፍህመት።


ክድመት ወጠን ሰነት አዳም እግለ በጽሐው ኤረትርያን እት ሐቱ ዐግሎ ተዕሊም እንዴ ተዐገለው፡ ድራሰት አካዳሚ ውበቅዕት ምህነት እግል ልርከቦ፡ ክምሰሉመ

መዋዋኒን ከደማት እጅትማዕየት ወእቅትሳድ እግል ልርከቦ ዶርክ ለተአገዴ እት አግደ መርሐለት ክምተ እት ሽፊሕ፡ እትለ ደረጃት እለ እግል ልብጸሐ ምን ቀድረው እግል ልትሐበኖ ክም ወጅቦም ሐበረት።

ደረሰ እት ሀበው ረአይ፡ እት ክል አውካድ ለልትነዝም መሓደራት ታሪክ ወሰያሰት፡ እት ወቀሎት ፈዛዐቶም ሴድያይ ክምቱ እት ሸርሒ፡ እት መዳርሰ ክፋል ድራሰት አካዳሚ እግል ልግበእ ትፋነው።



ርዕሰ ውዝረእ ኢጣልያ እና ኤርትራዊ ዝያረት ወደ



ርዕሰ ውዝረእ ጀምሮኖት ኢጣልያ ጃዜፔ ኮንቴ የም 12 ኦክቶበር እና ኤርትራዊ ናይ ሐቲ ኦምዕል ዝያረት ረስምየት ወደ።

ርዕሰ ውዝረእ ኮንቴ ቀደም ኦድሐ እድንያይ መክረዩ ዋያራት ኣስመረ ዲበ በጽሐ እቲ ኢነት፡ ርዕሰ ኢሳይያስ ኦፍወርቂ፡ ውዝራእ ወውቁላም ሰብ ሰልጠት ሕኩመት ኤርትራዊ እብ ኣናሺድ ወጠን ኤርትራዊ ወኢጣልያ ወናይ ሕሽመት ኣሴራር ለትታሌት ኩቡቲ ረስምየት ወደው እግሉ።

ርዕሰ ኢሳይያስ ኦፍወርቂ ወርዕሰ ውዝራእ ጃዜፔ ኮንቴ ዲብ ሙብን ሃገር ዲበ ወደወ ጀልሰት፡ ዲብ ጠወርት ዕላቀት ክልኤ ለጀህት፡ እቲ ክምሰልሁም ናይ ሕበር ኣህምየት ለቡ ናይ መንጠቀት ወእድንየ ተጠውራት ሀድገው።

ለሚርሐት ዲብ ህድጎም፡ ኣትሐደሶት ተእሪካይት ዕላቀት ኤርትራዊ ወኢጣልያ፡ መንጠቀት ቀር ኣፍሪቀ ዲብ ኣህምየት ወሰኣየት ለበ መርሐለት ዲበ ትትዕዲ እቲ ለህሌት ኢነት ትገብእ ሰበት ህሌት፡ ፍንቲት ክምተ እንዴ ኣፍህመው፡ ፍንጌ ኢጣልያ ወኤርትራዊ እብ ፍንቲት፡ ፍንጌ ኢጣልያ ወድወል ቀር ኣፍሪቀ

ህዩ እብ ዓመት ለትገብእ መዓወነት ሽርከት እግል ትትደቀብ ዲብ መፋህመት በጽሐው።

ርዕሰ ውዝራእ ጀምሮኖት ኢጣልያ ጃዜፔ ኮንቴ፡ ዲበ ሀበዩ ሙእተመር ሰሕፊ፡ እብ መናሰበትለ ዲብ የም 9 ጃላይ ፍንጌ ኤርትራዊ ወኢትዮጵየ እቲ ኣስመረ ለትፈረመት ኣዋይን ሐርብ እንዴ ኣተክተመት ምዕራፍ ሰላም ሐዳስ ለከሰተት “ሻምለት እትፋቀየት ሰላም ወምሰንዮት” ኣሰናይኩም እንዴ ቢል፡ ዐዱ እግል ፈዓልየትለ እትፋቀየት ሰዳይተ ክም ትቀድም መዳላየ ኣከደ።

ኢጣልያ እብሊ ሰኣየት ለለህይብ ኣዋይን እንዴ ትናየተት፡ ዲብ መጃላት ክስኣት-ረኣሰማል፡ ናይ መዓወነት መሻርዕ፡ በራምጅ ተዐሊም፡ እቲ ክምሰልሁም ናይ ቲክኒክ ወምህናት ተኣሂል ክም ትትሳዴ እንዴ ኣከደ ርዕሰ ውዝረእ ጃዜፔ፡ ዕላቀት ኤርትራዊ ወእትሓድ ኣርብ ዝያድ እግል ትደቀብ፡ ኢጣልያ ዶረ ክም ትቀድም ሸርሐ።

ጌምያይ ርዕሰ ኣሰይድ የማኔ ገብረኣብ እብ ጀህቲ፡ ኤርትራዊ ወኢጣልያ ሞላድ ተእሪክ ለበን ድወል

ክም ተን፡ ምናተ እለ ዕላቀት እለ እብ ለትፈናተ ኣሰባብ ክመ ልትሐዜ ትጠወር ክም ኢጸንሐት እንዴ ሐበረ፡ ኤርትራዊ ምን ምሰል ድወል ቀር ኣፍሪቀ ዋድየተ ለህሌት ዕላቀት ወኪን፡ ምሰል ለትፈናተዩ ድወል ዲብ ናይ ሕበር ሕሽመት፡ መሳልሕ ወሸርከት ለትትበኔ ዕላቀት እግል ቲዴ ክም ትከድም፡ ምሰል ለገብኣት ደውለት ለትወድዩ ዕላቃት ምን እለ መፍሀም እለ ለልትበገስ ክምቲ ሸርሐ።

እቲ ልቃእ እብ ጀህት ሕኩመት ኤርትራዊ-ወዘር ካርጅየት ኣሰይድ ዑሰማን ሳልሕ፡ ጌምያይ ርዕሰ ኣሰይድ የማኔ ገብረኣብ፡ ኤርትራዊ ዲብ ጀምሮኖት ኢጣልያ ኣሰይድ ፍሰጸዮን ጸዋርሱ፡ ሙዲር እቲ መክተብ ርዕሰ ኣሰይድ ኣሚን ሐሰን፡ እብ ጀህት ሕኩመት ኢጣልያ ህዩ ሰፊር ኢጣልያ እቲ ኤርትራዊ ስቲፋኖ ሞሰኮክ፡ ጌምያይ ዲፕሎማሲ ርዕሰ ውዝራእ ፕየትሮ ቤናሲ፡ ጌምያይ ዐስከርየት ርዕሰ ውዝራእ ኣድሚራል ካርሎ ማሳሊ ወበዕል ንሳል ርዕሰ ውዝራእ ሮኮ ካዘሊኖ ለብኢቶም ሰብ ሰልጠት ሹርካም ዐለው።

እምበል እለ፡ ርዕሰ ኢሳይያስ ኣፍወርቂ እግል ሕሽመት ርዕሰ ውዝራእ ጀምሮኖት ኢጣልያ ጃዜፔ ኮንቴ ወምሰሉ ለመጽኦ ወፍድ ዐዘመት ጸቢሕ ወደ።

ሐቆ እለ ርዕሰ ውዝራእ ጀምሮኖት ኢጣልያ ጃዜፔ ኮንቴ፡ ዲብ ኣግደ ሸዋርዕ መዲነት ኣስመረ እብ ፍንቲት ሸዋርዕ ሕርየት ወንቅፊ ዝያረት እንዴ ወደ፡ ዲቡ ለህለ ተእሪካይ መባኒ ገንሐ።

ርዕሰ ውዝረእ ኮንቴ፡ ዲብ ኤርትራዊ ለወደየ ናይ ሐቲ ኦምዕል ዝያረት እንዴ ኣትመመ እቲ ነፍሰ የም 12 ኦክቶበር ምን ገጽ ምሴ ኣስክ ዐዱ ትሳርሐ።

ወራታት ዲፕሎማሲያት ኤርትራዊን እና ካርጅ

ኤርትራዊን ሰኣን ጃቡ- ጀምሮኖት ግብለት ሱዳን፡ ወርታርዳም- ሆላንድ፡ ወራታት ዲፕሎማሲያት ገቢል ሰርገልው።

እብ ኣሳሰለ በጽሐተነ ሐብሬ፡ ሰፋረት ኤርትራዊ ዲብ ጀምሮኖት ግብለት ሱዳን፡ ኣንፋር መትዛም ሸባብ ጀብህት ሸዑባየት እግል ዲሙቅራዊት ወዐዳለት ግብለት ሱዳን ዲብ መሳልሕ ወእኩይ ተኣሲር ዔማት ኣክባር ወእትሳላት እጅትማዕየት ለረከዘ ማሕበር ጎማት ዲብ የም 7

ኣክቶበር ነዘመ።

ዲበ ማሕበር-ጎማት፡ ተርጀመት ዔማት ኣክባር እብ ዕመሙ፡ ኣግቡይ እዳረት ጠባይዕ ወንዛም ሐብሬ፡ መሳልሕ ሐብሬ ኣማን ወዋድሐት፡ ጀዋንብ ሰኒ ወእኩይ እቲ ወሳኦል እጅትማዕየት ለትትሸር ሐብሬ፡ ኣክላቅ ወሰዋልፍ ዔማት ኣክባር፡ ጠባይዕ ወወራታት ሰሐፊ፡ እቲክምሰልሁመ መዳፍዐት ደማር ለሰብ ተኣሲር ወሳኦል እጅትማዕየት፡ ዲበ ልብል ኣርእስ ለረከዘ ተውዴሕ እብ ምኤምረት ትህየቡ።

ሰፊር ኤርትራዊ ዲብ ጀምሮኖት ግብለት ሱዳን ኣሰይድ የውሃንስ ተክሊሚካኤል ዲበ ኣስምዐየ ከሊመት፡ ቲክኖሎጂ ሐብሬ እብ ኣግቡይ ራትዕ እቲ መንፈሰት ሐቆ ወዐሉ፡ እግል ዐቦት ወሐዳረት ሸዑብ ክም ለኣትናይት እንዴ ሐበረ፡ ሙሽተርከት እብሊ መፍሀም እለ ሐለት ሐብሬ ዲብ ኣደቀቦት ዋጅብ ክል ምናም ክምቲ ሸርሐ።

እለ ክእነ ዲብ እንቲ፡ መትዛም ጀብህት ሸዑባየት እግል ዲሙቅራዊት ወዐዳለት ዲብ ሮተርዳም- ሆላንድ፡ ዲብ የም 6 ኣክቶበር ሙእተመሩ ሰርገል።

ቁንሰል ኤርትራዊ ዲብ ሆላንድ ኣሰይድ ሰለሙን መሓሪ ዲበ ኣስምዐየ ከሊመት፡ ሙእተመር ወራታትክ እንዴ ቀየምኩ፡ መክሰብከ እንዴ ሐፈዝከ እግል ዝያድ ካድም ክም መበገስ ለትትነፊዕ እቡ ክምቲ፡ እንዴ ሐበረ፡ ለመትዛም ምሰል እለ ሰኣየት ለበ ናይ ሰላም መርሐለት፡ ዲብ ኣደቀቦት መትዛምም እበ ትደቀቦት እግል ልትከደም መሰኢት ክም ህለ ኣፍሀመ።

ሰሚናር እግል ኤርትራዊን ሰኣን ሱዳን

መስኡል ሸኡን ተንፊዘ ሰፋረት ደውለት ኤርትራዊ እና ሱዳን ኣሰይድ ኢብራሂም እድራሱ፡ እግል ኤርትራዊን ሰኣን ሽርቱም ወድዋረ፡ ገዳርፍ ወፖርትሱዳን፡ ፈዛዐቶም እቲ ሓድር ተየልል ወጠን፡ ክምሰልሁመ እቲ ናይ እድንያይ ወመንጠቀት ተጠውራት እቲ ለረከዘ ሰሚናር ሀቡ።

ኣሰይድ ኢብራሂም፡ ማዳት ናይለ እቲ የም 9 ዩልዩ እቲ ፍንጌ ኤርትራዊ ወኡቶብዩ ለትፈረመ “ናይ ሕበር ኣዋጅ ሰላም ወምሰንዮት” እብ መራሕል-መራሕል ልትሰርገል ክምሰል ህለ እቲ ሸፊሕ፡ እለ ታሪካይ ሐደሱ፡ እቲ መንጠቀት ቀር ኣፍሪቀ ሐዳስ ምዕራፍ ሰላም ወምሰንዮት ካስት ክምሰል ህለ ወደሐ።

ጽቡዋ ለህለ በራምጅ ዐማር ወሄራ፡ እበ ከሰስ ተውዴሕ ለህበ ኣሰይድ ኢብራሂም፡ መዋዋኒን መቅደራቶም እቲ መጃላት ኣካዳሚ፡ ምህንት ወእቅትሳድ እቲ ኣትመቃረሐት ትትርኤ ለህሌት ሰኣየት ለተሀይብ መርሐለት ወናይ ሙስተቅበል ሰታት እቲ እብ ለትወቀለት ደረጀት እግል ልሸቀው ኣትፋቀደ።

ሙሽተርከት እብ ተረቶም፡ እግል እትፋቀየት ሰላም ወዕራት ኤርትራዊ ወኡቶብዩ ለቦም ተእዩድ እቲ ሸረሐ፡ እብ ሰዳይት ሸራከት እግል ረሸዶቱ እቲ ገብእ ጅህድ ዶርም እግል ወቀሎት ክም ሸቁ ኣከደው።

እምበል እለ እብ መሕበር ምሰንዮት ኤርትራዊ ወሱዳን እንዴ ትነዘመ እቲ ገኦ ሳምን ምሰንዮት ክልኢቱ ገባይል እግል ዓዳት፡ ንዳል ወሰሙድ ሸዑብ ኤርትራዊ እብ ዓመት፡ ጀላል ወታሪክ መዲነት ኣስመረ ህዩ እብ ፍንቲይ ለሸፊሕ ኣሸዓር ለከምክም ጀላል ኣስመረ ለኣርእሱ እብ ወድ ሱዳን ኬትባይ ዓድል ዑሰማን ዐወድ ለትዳለ ክታብ፡ እቲ የም 10 ኦክቶበር ክም ትደሕረ ምን ኣካን ለበጽሐተነ ሐብሬ ተኣፍሀም።

ባርንቶ፡ መድሐራት ሴድየት ነርስ ትገብእ



መድረሰት ሴድየት ነርስ ባርንቶ መደት 18 ወሬሕ እብ ፍዕል ወንዘር ለኣድረሰቶም 144 ደረሳይ ዲብ የም 13 ኣክቶበር ኣድሐረቶም።

እቲ መድሐራት፡ ሙዲርለ መድረሰት መምህር ቶማስ ዘርእማርያም ዲበ ኣስመዐየ ከሊመት፡ ለትደሐረው፡ ዲብ እምትሓን ካልኣይት ደረጀት ናይ ሸሃደት ንቅጠት ለኣምጽኦው ክም ቶም፡ እብ ደረጀቶም ህዩ ብቐዕ ከደማት ዓፍየት እግል ለህቦ ለለኣቀድሮም ኣሳሲ ኣምር ክም ከሰበው እንዴ ሐበረ፡ ካሰባመ ለህለው ምህንት መበገስ ሄራር ሐያቶም ክምተ እንዴ ፈሀመው፡ ምህቶም እግል ልጠውሮ ወእብ መትሰባል እግል ልክደም ኣትፋቀደ።

እቲ ውዛረት ዓፍየት መስኡለት ውሕደት መዳርስ ሴድየት ነርስ ዲብ ኣቃሊም ሲሰተር ኣልጋኔሽ ተክሊግዮርጊስ እብ ጀህቲ፡ ውዛረት

ዓፍየት ዲብ ጠወርት መቅደረት ኣዳም ወኣፍረዮት ሰብ ምህንት ክስኣት ረኣሰማል ዐባይ ትወዴ ክም ህሌት እንዴ ሐበረት፡ እትለ ሰነት ምን መዳርስ ሴድየት ነርስ ባርንቶ፡ ግንዳዕ ወመንደፈረ ለትደሐረው 563 ሴድየት ነርስ ተኣምርተ ናዩ ክም ቶም ኣፍሀመት።

እቲ ውዛረት ናይ ዶሉ ሙዲር ዐገል፡ ሰታት ወጠወርት መቅደረት ኣዳም ዶክተር ብርሃኔ ደብሩ ህዩ፡ ዲብ ለትፈናተ ኣውካድ እብ ለትፈናተ ምህናት ሕክምነ ልትደሐሮ ለህለው ሸባብ ብዝሓም፡ ዲበ መጃል ለዐለ መጋድዕት እንዴ ኣርተዐው ዲብ ዓፍየት መጅተምያም ዶር ዐቢ ቀድሞ ክም ህለው ኣብርሀ።

እቲ ሰነት 2003 ሸቅለ ለኣንበተት መድረሰት ሴድየት ነርስ ባርንቶ፡ ኣስክ እለ 960 ደረሳይ እድሕርት ህሌት።

ኤርትራዊን ሰኣን

ክል ኣርቡዕ ለትጠ'በዕ ጀሪደት

መዳልያይ።

መሐመድ እድራስ መሐመድ

ናይብ መዳልያይ።

ኣድም ሳልሕ (ኣቡሐሪሽ)

ለይ-ኣውት።

ፋዋና ኣደም

ዘህረ ዐለ

ተለፎን። 121797

ፋክስ። 127749። ዕ.ሲ.ቡ። 247

ተውዝዕ ጀሪደት።

ተለፎን። 200454

ኣትኣመርት።

ተለፎን። 125013። ዕ.ሲ.ቡ። 1284

(3^ይ ክፈል)

ሐቲ አምዕል ጀህራይ ምስል ሱብ መራኩሽ መጀርሒን ዲብል ብሩድ ዐዝለትለ ቅሰለ እብ ኮም-ኮም እንዴ ትካፈለው ዲብል ልትሃጀት አመት አለበ ጀህራይ ውልብ ክምሰል ቤላ፡ ምን እንክረ ከሺነት ሐቲ ምን ሐካይም አሮ ድሩይ በራድ ዲብ ተሀንጦጥል አስክለ ምጀርሒን ለዐለው ዲብ ዐንብር ዲብ ተሐልፍ ረአየ፡ ለወክድ ጀህራይ ገዱ ውብሱቱ ለረክበ ዲብ መሰል እቲ፡ “ ሻሂ፡ ሻሂ ርድኦ ይህው” ቤለ ወእግለ ምርኩሹ ለፍ እንዴ አበለ ደርብለ በራድ ለሐልፈ እበ አካን ሀንተለብ ዲብ ወዴ ዲብ ዐንብር ሸክ ወደ፡ ለልአሰፍ ላኪን ለበራድ እብየ ጌሰ አሰሩ ወረአሱ ትሰተረ፡ እግለ ጅማዐት፡ “የሀው ለበራድ ለእብለ ሐልፈ አየ እሳት ወድቀ?” ክምሰል ቤላ፡ ለመጀርሒን ዲብ ልትሰሐቅ፡ “ያጃምዕ፡ እለ ረኤነ አለበ” ቤለወ፡ አሮ ምን ምጀርሒን ላኪን “ለበራድ ዲብ ዐንብር ዕልብ ክልኤ ጋይሰ ሀላ፡ ህቶም እዙያም ሰበት ገብአው፡ ክልዶልቱ ሻሂ ለሱቱ” ዲብ ልብል ክምሰል በልሰ እግሉ፡ ጀህራይ ረአሱ ዲብ ነዋኔ፡ “ አላ...ህ፡ እዙይመ ኢገእኮ ሻሂ እግል እሰቱ፡ እንዴ ሐኩክዬ ልግበእ ሻሂ.... “ ቤላ፡ ወሐር እግለ ሻሂ ተዓሌ ለዐለት ወለት እተ እንዴ ሸአገ “ ወለት ሱቤ ለበራድኪ ጽባባት ምን ብዲቡ አመትነ ኢትቅወይ” ክም ቤለየ፡ ህተ ህዬ ዲብ ትሰሐቅ፡ “ውሸ! ሻሂ ሐሪገት ሚ እግል ልንፈወኩ፡ እለ ወድ-ዐከርከ ሌጠ ህብ አብል” ዲብ ትብል በልሰት እቲ፡ ጀህራይ ‘ሐሪገት’ ለትብል ከሊመት ሐቲህ ሰበት ቀው፡ “ የሀው ሐሪገት ህዬ ሚተ?” ትሰአለ፡ ለወለት አዜመ ዲብ ትሰሐቅ፡ “ ሐሪጋ በሀለት፡ እግለ ሸከር ሸሙይ ዲብ እሳት እንዴ ሓረግህሁ ሕብሩ ክምሰል ጸልመ ማይ ትወዴ ዲብ ወሐቀህ ሻሂ ትወድዩ ከዲብ ከባቢ ተዓልዩ” ቴለቲ፡ ጀህራይ ዲብ ልሰሐቅ፡ እለዲ ሻሂ ኢገብኤ፡ ሻሂ ህዬ እብ ሐብ-ሻሂ ትሰትዩ አውመ ክመ በዲር እምዬ ትወድዩ ለዐለት ሰዐር እራይ እንዴ ወዴክ ዲኢኮን፡ ሻሂ ሐሪገት ላተ ዲብ ስምዐቱ ለሓይሰኩ፡ አነ ህዬ በሪ ሊዴኩም ሻሂ ውጃህ አመሰሉ ሰበት ዐልቲቱ ደርቡ እትገናቤ ወእደወክ ለጸንሐኮ” ቤለ ወእግለ ሻሂ ምን ጸብረዩ እግል ለአትካልሉ አንበተ፡

ጀህራይ ምስል ሻሂ ለዐለ እግሉ ሻም እብለ ኢደው፡ ሻሂ ሐሪገት ምን ጸብረዩ አትካለለዩ ዲኢኮን፡ እረክቡ ምን ልብልዲ “አ...ሕ! ዲብ ልብል ወጠዐሙ ዲብ ለአዳውር ወተሀናፈተዩ ዐለ፡ ሐቲ አምዕል ጀህራይ እግለ ክልኦት መራኩሽለ አልወሕ ዲብ ሃጣጡ እንዴ አንሸቤ እበ ሕሊል ሀንተለብ ዲብ ልብል ድማኩ ማይ እግል ልሰቱ ዲብለ አሺነት ለዐለት እተ ሻፍቀት ቅሰለት ክምሰል አደንገቡ፡ እለ ኢኮን ለእሰብዕየት (መጋቦ)

መርግቱ ድርሆይ

ዐብደላ መሐመድዐሊ (መዐልም)

ናይለ ሙጀርሒን ፋግራም ለዐለው ሐካይም እሳት ዲብ ለአትሳውሮ፡ ሰርም እንጌረ ዲብ ሰንክት ወሰርምማ ሐሪጭ ዲብ ለዐጅን ክምሰል ረአዮም ምን ቅያሰ ወለዐል ትፈከረ ወተአሰፊ፡ ለሐካይም እብለ ሐማይም ራቅቦ፡ እበር ወከናይን ለሀይቦ፡ አጽለዐት ሰፎ፡ ዐመልያት ወዱ ወኪር ፈግሮ ወእብለ ህዬ ክምሰል አዳዋም እሰብዕየት እንዴ ፈግረው ነብረ ወጽቤሐ ወዱ” ቤለ እብ ደሚሩ ወእግሁ ምስል ሸቡሃም ሙጀርሒን እንዴ ገብእ እግል ልሰደዮም አምበተ፡ ጀህራይ ወጅማዐቱ ሰርም አግዱር ዲብ ለሐጽቦ፡ ለሰርም ህዬኒ ምን በራሚል ማይ ጎረተው እሎም፡ ለእሰብዕየት ፋግራም ዐለው አንፋረ ዕያደት ህዬ፡ ሰንክቶ ወጽብሐ ወዱ ዐለው፡ ጀህራይ ዲብ ለአትቃምት እብ እንክር ድማን ናይለ ከሺነት ምን አቅመተ፡ አሮ ድሩይ በራድ ረአሰ ሰለሰ እትፍእየት ትኩይ ዲብ እንቱ ክም ረአዩቱ ምራቁ ለጀ’ቤ፡ ልሰዕ ክዩፍ ምኑ ለይዐለ በዐል ሻሙ ሻሂ ትካየለ እግሉ፡ ማይ እንዴ ሰተ እግል ለአቅብል አምም ለዐለ ጀህራይ ዕንቱ ሸንክትለ በራድ ዲብ ተአትቃምት፡ ዶል ማይ ዲብ ደንክ ወዶል እሳት ዲብ ለአሳውር እግለ እሰብዕየት ሰድዮም ዐለ፡ “መንአመረ እለ ፈልሕ ለሀለ ሻሂ እግሎምቱ ወአናመ ገድም አመቼ ቀዊ ሚለአውዶ ባኩም ህሌኮ ኢኮን” ቤለ እብ ደሚሩ ወዝያደት እግል ለአውቄ ለዐል ወተሐት ቤላ፡ ከፌከ ምን ቤለውመ ሰምዖም አበ፡

ለበራድ ላተ ምተሐት እሳት ዲብ ተአላይም ዲብ ልሰዕ ረአሰለ አታፍእ ሸንገ ዐለ፡ ለበራድ ምን መሓርሙ ወሕብሩ ዲብ ንዳልነ ብዘሐ ክምሰል ከድመ ሸክ ኢትወዴ፡ ለምሰል ጀህራይ ማጽአም ለዐለው ሙጀርሒን ላተ ሸቅሎም ክምሰል አግደው እብ አር-አሮ አሰክለ ሐንቱ ምድር ለትበነ ከናድግ ወትነጅ ሄረረው፡ ጀህራይ ላተ ልሰዕ ለኢጽብረዩ ሞዳይ ዐለ እግሉ፡ እግለ በራድ ዲብ ለአፍቅ ግረ ተርፈ፡ ሙብዘሐም ለጅማዐት ክም ጌሰው እግለ ግረ ለዐለው ክልኦት ሙጀርሒን ዲብ ለሐሸክሸክ፡ “ ጽንሐ ሻሂ እንዴ ሰቲነ ሐራ ምስል እንገይሰ” እንዴ

ቤለ ምን ግያሰ ከርዐዮም፡ ህቶምመ ህግዩ ጀህራይ ሰበት ሰምዐው ታከው፡ ጀህራይ ምን ሸቅዩ ለዐለ አሰክለ በራድ ለአቀምቱ ለዐለ ወክድ በዝሕ፡ እብለ ሓላት እለ ወቅት ዲብ ልትሄብብ ጌሰ ወምድርመ መሰ፡ ወቅት ድራር ህዬ ሸአገ፡ ፈርህት ጀህራይ ህዬ ሰድ ድራር ሰበት ተመ ክሎም ለሙጀርሒን እግል ኢልትኩብሰሶ እቶም ወለልታኩዩ ለዐለ ሻሂ እግል ኢልሕገሎ ዐለት፡ እት ክእነ ቴለል ዲብ እንቱቱ ህዬ፡ ለሻካም ሐኪም ምን ሰንክት እቱ ለዐለ መቅሎ እንዴ ቀንጸ ለእብ ተናን እንዴ ተዐመመ እብ እንብዕ ምዩሰ ለዐለ ዕንታቱ ዲብ ዳክክ ወሻልት፡ አሰክለ በራድ አሳደረ፡ እለ ወክድ እለ ጀህራይ ሰራራት ልቡ ዝያደት ሀንደገት ወእግለ ፈልሕ ለዐለ ሻሂ ዲብ



ለአንገህቱ አሰክለ ሐኪም ፍድ ቤለ ወአቅመተ፡

ለሐኪም እግለ ፈልሕ ለዐለ በራድ እብ ፍልሐቱ ክም ተአክደ ድማን ወድገለብ ዲብ ልትዋሉብ እበ እብ ልወሉይ ሰልክ ሸቁይ ለዐለ መጽውሩ ለፍ እንዴ አበለ ዲብለ ዐጂን ለዐለ እቱ ቅዳድ በርሚል እንዴ ሸአገ ዲብ በልሰዩ ወእብ ሞከሰ ረጋረገዩ፡ እለ ወክድ እለ ጀህራይ ረአሱ ዲብ ነክንክ ወክንፈሩ ዲብ ረማዋ፡ አሰቀቀብ፡ ለምን ግያሰ እትሩፎም ለዐለ ክልኦት ሙጀርሒንመ ዲብ ልትሰሐቅ፡ “ ያኪ እንዴ ኢትደሌ ትገሌ፡ ሕነ ህዬ ሻሂ ምን ቤልከነ ህቶም አሰአለውክ ነአመሰል ዐልነ” ቤለው ወመራኩሽም እንዴ ጸረው ክባባይ ገአው ምኑ፡ ጀህራይመ ልሰዕ ለናይ ሻሂ ምራዱ እንዴ ኢተምም እገሩ ዲብ ጸብጥ ደርቦም ሌጠ ትወከለ፡

መስኪናይ ጀህራይ ዲብ ዕያደት

ለወድዩ አውካድመ ምንገብእ ለዐሸሙ ወንዮቱ ለዐለ ሻሂ ኢረክበዩ፡ ጀህራይ ሐቆ ናይ ሰለሰ ወራሕ ሰፋፍ ወሰራይ፡ ለጸልዐቱ ሰበት ሐዬት ምን ዕያደት አሰክ ውሕደቱ ትሳረሐ፡ መጅሙዐቱ ዲብለ ውቁል ደብር ቀጣር ምንመ ዐለት፡ ሳድሰ ወራር ክምሰል ፈሸለ ዲብለ ክልዶል ናይ ወክድ ሰላም ለዐለ መዐስከርም መዐስከር ገረግር ትከረው፡ ለእብ ኢረከብ ጀህራይ ግድዕት ወሕንጥርት ለዐለት መጅሙዐት ጀህራይ ምን ጅርሐ እንዴ ተዓፈ ክምሰል አቅበለዩ አዜመ፡ ዝያደት ተዐመረት ወገምለት ሱሓቅ ወሆርያታት ወሰከ፡ ደአል ወህካት ክም በዲሩ አቅበለ፡ ላመ ናይ ሐርብ ቴለል ሸበህ ረህየት ረከቤ፡ ክል-ዶል ለአዋይን ብኡይ ዶል ለሀይብ ወላመ ሐርብ ሀያይ ዶል ወዴ፡ ክሎም ለምሕርበት ዲብ ድፈዕ ልግበእ ወድጌ ወራታት አካዳሚ፡ ዓዳት፡ ኬወ ወለመሰሉ ለአነብቱ፡ መጅሙዐት ከረ ጀህራይመ ምን ሐዲሰ ምህር አካዳሚ እግል ለአንብቶ ትዳለው፡ ቀለም ርሳሰ ዲብ ክልኤ ዲብ ልትከፈል ወምን ውራቅ ሐሊብ ለትሸቀ ከራሪስ እብ አግዳድ እንዴ ትሻፈጠ ዲብ ልዳሌ፡ ጠባሺር ምን ጸዕደ ሸገር ዲብ ልትሸቀ ለመጅሙዐት እግል ምህር ብርንቶ ገብአት፡ እለ ወክድ እለ ጀህራይ ዲብ ልሰሐቅ፡ “ ያጅማዐ አዜ ህዬ እት እሱው ፈሰል እግል ንእቱቱ?” ዲብ ልብል ምን ትሰአለ፡ ሙደርሰለ መጅሙዐት ዲብ ልሰሐቅ፡ ዲብለ ቀደም ሐርብ ለዐልነ ዲብ አፍሱል እተው” ቤላ፡ ምህር ክም አንበተ እለ ጀህራይ ለእሉ ኢቀወ አክትብት ክሉ ድግመ ምን ገብእ ዲብ፡ እዴሁ እንዴ ረፍዐ “ያኪ እለ ሚ ሓላት ተ፡ ክል-ዶል ሳልሳይ ፈሰል! ምዶል ራብዓይ ፈሰል እግል ንትመሀርቱ? ወህታመ ሐቆ ገብአት እግልሚቱ ምን ባጽሓሙ ለዐልነ ኢትዋሰሎ እግልነ? ክል-ዶል እለ አሃን እናሰ ዐዘቤነ ‘ዚሰ ኢዝ ዐሊ’ ዲብ እንብል እግል ነሓንቱ?” ቤለ እግለ ዲብ ክታብ እንግሊዝ ለዐለት ሱረት ዐሊ ዲብ ገኔሕ፡ እለ ወክድ እለ ክሎም ወላድለ ፈሰሉ እብ ሱሓቅ በረጌዕ ገአው፡ ጀህራይ ምን ጠቢዐቱ ብዕዳም ለአሰሕቅ ዲኢኮን ናሱ ላተ ሱሓቁ ሐድ ቲ፡

ሰነት 1982 እንዴ ትወሐት፡ ሰነት 1983 ክምሰል መጽአት፡ ክሎም ዲብለ ደዋዩሕ ለዐለው አጅህዘት ምስል ዲብ ናይ አካዳሚ፡ ዓዳት ወርያደት ወራታት ምስል ዲብ ልትሳደው፡ አምሱይ ዲብለ ዲብ አዋራፍለ ሕሊል ለዐለ ጀራዲኖም እንዴ ትፈረረው ዲብ ለአሰቱ ወዶልዶል ዲብለ ውቁል

አድብር እንዴ ፈግረው እግል መናበረቶም ለገብእ ዕጩይ ዲብ ለአሩ ወጎርቶ፡ ዶል-ዶል ዲብ ኬወ ዲብ ልትፈረር ምን ጸሓይ ወዝላም ለገብእ እግሎም ከናድግ ዲብ ለሐፍሮ ወበኩ ለወክድ ናይ ወራት ወክድ ሌጠ ገብአ፡ እት ክእነ ቴለል ዲብ እንቶም ቱ ህዬ፡ ሰቱር ወራር (7ይወራር) እብ ጀህት ጀብህት ሐል-ሐል አንበተ፡ ሳብዓይ ወራር ክም በዐል ሀሳይ እብ ሰቱር ምን ግረ ለአምበተ ሰበት ዐለ ደቅቡ ምን ሳድሰ ወራር ወተሐት ይዐለ፡ ለበዝሐ ዲብ ሳሕል ለዐለ በራጊድ ወበጠሎኒታት ጀብህት ሸዕብየት አሰክለ ሐርብ ገብእ ዲብ ለዐለ ድማናይት ጀብህት ነቅፈ ወሐልሐል ዲብ ገይሰ ሰነት 83መ ሰነት ሸፍ ወእሰትሸሃድ ገብአት፡ ምሕርበት ለናይ ሳድሰ ወራር ሐክርም እንዴ ኢሰ’ፎ ሐዲሰ ሐክር ተሐከረው፡ ለቀዳምያም ሹሀደእ ዲብ ልዘከሮ ሹሀደእ ሐዳይሰ ለወሰከው ዲብቱ ለዐለ፡ ለአይዋን ህዬ ምን ወራር ዲብ ወራር ወምን ሐርብ ዲብ ሐርብ ነከሰ፡

እንክር ሳሕል ሸበህ ሳክብ ምንመ ዐለ፡ ሐቲ አምዕል ለዲብ ጋድሞታት ቅብለት ሳሕል ሻፍፍ ለዐለ ጄሽ አባይ ህጃም ድቁብ እንዴ ሀረስ እግል ሐሚር መደት ምን ደብር ቀጣር አሰክ ሰዋትር ግወ ዲብ ሀለ አካናት እንዴ ዐሽለ ድቁብ ሐርብ ወደ፡ ለዲቡ ዐለው ምሕርበት ክምሰልሁመ ግረ ድፍዓት ዲብ ድጌ ሰውረት ሳክናም ለዐለው አንፋር አጅህዘት ምን አካናቶም ዕወር ሕደግ ወሐንኪሽ ቤለው ወረድአው፡ ለወክድ መጅሙዐት ከረ ጀህራይመ ምን ዐለት እቱ መዐስከር ገረግር አሰክለ ሸፍ ሕፋን ገብእ ዲብ ለዐለ ሰዋትር ዲብ ትትባደር ክማም ገአት፡ ሐቆ ናይ አምዕል እብ ግዲደ ሐርብ ሞት ወሐዮት ህዬ አባይ ክመ ጆጊራይ ክሩይ እቱ አግል እት መሰል ምን ጸብጡ ለዐለ ድፍዓት ወአብረት አሰክለ መጽአ ምኑ ጋድሞታት ቅብለት ሳሕል ትሄደደ፡ እትሊ ሐርብ እለ ጄሽ ዐዶ ሰለልቡ ወገናይዙ ተረግ እንዴ አበለ እብ ርሕ አፍግር ግረ አቅበለ፡ ሐቆ እለ መጅሙዐት ከረ ጀህራይመ ምን ዐለት እቱ ገረግር አሰክለ በዲር ሻፈት እቱ ለዐለት ውቁል ደብር ቀጣር ዐቅበለት፡

እትሊ ወክድ እለ ለበዝሐ ጄሽ ሸዕብየት ዲብለ ሸፍ ድቁብ ገብእ ዲብ ለዐለ እትጀህ በርክ ወሐልሐል ክምሰልሁመ እንክር ሮረ-ሐባብ ወሀበርታት ሻፍፍ ዐለ፡ ሰነት 1983 ህዬ እብ ስሜትለ እብ ሀሳይ ዲብ ልሚፈር ለአንበተ ሰቱር ወራር ትከለሰት፡ ሰቱር ወራርመ ምን ቀደሙ ለዐለ ሳድሰ ወራር ለበ’ክት ይዐለ፡ ብዝሓም ፍራሰ ለንሰእ ወሰሙድ ትሩድ ለትረኦ ዲብ ወራር ዐለ፡ ላኪን ህቲመ ምን አውረሐት ኢሐልፈ፡ ክመ ሐልፈው ወራራት እብ ዕሉጉ እንዴ አክረረ ረምሸ፡



የ-ም ሰልጠካት፡ ፈጅር መርሐት



እድንያይት ምዕል አዋልድ ለሐልፊት ከሚሰ 11 አክቶበር እት አስመረ ፓላስ እብ ነደረት ትፈቀደት። ዲብላ ሰብ ሰልጠካት ሕክመት፡ መዝሙት አግራዝ ናይ መጅልሰ ቅራን (ዩኒቨር) ውበዕዳም ወካይል ናይላ መዝሙት፡ ዲብ ኤረትርየ ለመርከዞም ዲፕሎማሲያን፡ ደረሰ ወዕዳም ዕዙማም ለሐድረወ እድንያይት አምዕል ከሊመተ ለአስመዐት ርኢሰት መሕበር ወጠን አዋልድ አንሳት ኤረትርየ አሰይደ ተኽኢ ተሰፋሚነኤል፡ እለ ምዕል እት ዐቦት አንሳት አሀምየተ ንኢሸ



ክም ኢኮን ሸርሐት። እንዴ አትሌት፡ ዲብ ንዳል ተሕሪር ኤረትርየ መሻረከት አዋልድ አንሳት ምነ ተከዩ አሀዳፍ ናይላ ንዳል ክም ዐለዩ ወእግል አተብቶት ሐቅ ወመሳዋት አንሳይት እስትሸሃድ ቃሊ ክም ትደፈዐ ወእስክ እላመ ልትደፈዐ ክም ሀለ ፈሰረት። አሰይደ ተኽኢ፡ ዲብ ኤረትርየ መሳዋት አንሳት አሰብቶት ምንኬን ሐቅ እንሳንየት ደማን አምን ወሰላም ወጠን ክምቱ ሰበት ተአምን፡ ኤረትርየ ምነ ላሊ ወአምዕል ለትጀሀድ እሉ ዳይ ክምቱ አከደት። ለፍሬሁ ዲብ አርድየት እግል ልትረኤ ክሉ እበ እለ ሀለ እግል ልትጸገም መሰኡልየት ወጠንያይት ራፊዕ ክምቱ አትፋቀደት።

እለን የም ነኣይሸ ለሀለዩ አዋልድ እንዴ ተዐለመየ፡ ምህነት እንዴ መልከዩ ለሀሌት መርሐለት እዲነ ለትጠልዮ ጽዋር ዕልም ወምህነት እንዴ ረፍዐየ እግል ሸቅል ወመሰኡልየት ዱሉያት ዲብ እንተን እተ ልትሐዜ ጅግረ እግል ልትሓበረ

እት መቅደረት ኣደሚ እስትሰማር እግል ልግበእ ክም ወጅብ አሸረት። መሕበር አንሳት እለ ትመሰል አንሳይት እግል ትዳብር በርናመጅ አብደዮት ቅዌት ክም ልትዐውት ልትጸገም። ፊድል እሊ ለምን ቅዌት ትባላሐው 350 አልፍ መዋዋኒን 93% ምኖም አንሳት ገበእ እት ሀለዩ ቅራኡት ወክታብት ሌጠ እንዴ ኢጉበእ አሰክ ካልእ ደረጃት እንዴ አትመመየ እት አሸቃል ምህነት ለትፈረረየ ክም ሀለዩ ሸርሐት። ሕርየት እቅትሳድ እግል ልርከበ እበ ቅድረቱ ሰልፊት ክም ለሀይብ፡ ምን ብዕዳት መአሰሳት ማል እግል ልትሰለፈ ከመንበርሀን እግል ለአሰንዩ ክም ወጅሁ፡ መሰኡልየት ዓይላት በንን ለራፍዓት ሀይ ለምን መአሰሳት ሕክመት ልትሀየብ ማል ወመምተልካት መሕደር እግል ልርከበ እብ ክል ሸክል ክም ልትሳዴ እት ከሊመተ ዘክረት። እት ገርበን ወዐቅለን መደረት ለወዴ ነባሪ ክም ከረ ክሸዮ እግል ልትረፍ፡ ምነ ሀለ አብካት እግል ኢልትነፈዐ ሐር ለበልሰ አፍካር እግል ልትሐለፍ ለመሕበር ማሌ የም ወፈጅር ምን ጸገም ክም ኢልትሀኬ እንዴ አከደት፡ እግል ነኣይሸ አዋልድን እተ እግል ልብጸሓህ ለቀድረ ርሸመት በቃዐት እግል ነኣብጸሐን እብላ መናሰበት እድንያይት ምዕል አዋልድ ገለድን እግል ነኣትሐድሰ ትላኬት።

ወኪለት እድንያይ ሰንዱቅ አግራዝ መጅልሰ ቅራን(ዩኒቨር) ሚሰሰ ሸዩ እብራሂም እብ ጀሀተ፡ ዲብ መስተቅበል ሀለዮት አንሳት ዲብ ጅግረ ሸቅል ወምህነት እትለ ኣዜ አዋልድ ነኣይሸ ዲብ ሀለዩ ለእንወድዩ እለን ልትንኩብ። ፈጅር መሀንድሳት ወመበርምጀት ኮምፕዩተራት፡ መዐልማት፡ መስተሰምራት፡ ሚርሐት ገበል፡ ሙደረ ሸሪካት፡ . . . እግል ንርኤ ነሐዜ ሀሌን ምንጉበእ፡ የም ንክደመን። ምን ዴራይ ወቤልሳይ ሐር ላቱ ዐዋዲ ወአፍካር እንዴ ተሐረረየ እግል ዐለም እት ሰላም ወዐቦት ጀላብ እግል ልዋልያሁ፡ የም ገበይ ነኣዋፊሕ እለን ለጽበጠ ልእኩተ ሓለፊት። መዝሙት ህዳይ ተሐት

ዕምር እግል ልትረፍ፡ አትካራም ምን ተዕሊም እግል ኢሊሀሌ ለጉበኡት አንሳይት መቅደረት እት መንፈዐት መጅተመዕ እግል ትውዐል ዲብለ ለአቀድር መሻረዕ ግዴት እግል ተሀሌ እለ እግል ትጸገም ዱሊት ክምተ ምሰል ኤረትርየ እትሊ መሰል ወቀይ ትሻርክ እብ ሀለዮተ ሕብንት ክምተ ተሃጊት።

ምን ኩልየት ዕሉም አድውየት ወዕሉም ዓፍየት ደክቶረት ግደይ ገብሬሆንስ ጭመም ናይላ ህዳይ ምተሐት ዕምር እት ኤረትርየ ወእስባቡ ለትኸሰሰ ለወዴተ ድራሰት ቀደመት። ዲብ ኤረትርየ 43 ምእታይት አዋልድ ምን 15 አሰክ 16 እት ሀለ ዕምረን ክም ልትሀደየ እብሊ ሀይ ዐድነ ምነ ቀዳምያት 20 ተሐት ዕምር ለለትሀደየ ድወል ዐለም ክም ሀሌት እንዴ ሐበረት፡ ዲብ ቃኑን መደኒ ህዳይ ተሐት ዕምር ምኑዕ ዲብ ሀለ ወእት ዓፍየት አንሳይት ለለመጸኦ መደረት እምር ዲብ ሀሌት እግል ለአተላሌ ሰበት አለቡ ክሉ መዋዋን ለትጠለብ ምኑ እግል ሊዴ ተሐሰበት።

እተ መናሰበት ተጅርቡተን እግል ለኣክዩ ዕዙማት ምነ ዐለዩ አንሳት ሐቱ ደረሳይት ፋጡመ ዐሊ ዓዲ ተ። ህተ ምን አወላይ አሰክ ሳምናይ ፈሰል ዲብ አፋምዮ ግብለት በሐር ቀየሕ አትመመተ። አሰክ ሓምሳይ ፈሰል አክል ለተብዕን ምንመ ኢገበእ ደሐን ብዝሐ ለዐለ እለን አዋልድ ዐለዩ ምሰል፡ ምኑ ወሐር ላኪን ላመ ምግባይት ደረጃት እንዴ ኢለተመ እብ ሐትሐቱ ዲብ ልትማለሽ ምነ በይነ ቀበት ውላድ ተርፈት። አቡሀ አፎ ኢተፈግረ እት ልብሎ እዘኑ ምንመ ነሰአው ምራደ ሐቅ ሀለ ትድረሰ እኩም እንዴ ልብሎም ሳምናይ ክም አትመመት ካልእ ደረጃት እግል ተአተላሌ ዐሰብ እግል ቲጊስ ዐለት እለ። እትላመ ምሰል ንየተ ረደ ዋልዳየ እንዴ ተሓበረየ፡ ምን አፋምዮ ዲብ ቦርድዲን ዐሰብ እንዴ አቱት 11ይ ፈሰል አትመመት። ኣዜመ እግል ዐደ ምን ዐሰብ ለትረይም እቶም ሳወ እግል ቲጊስ ምን ሐዜት አቡሀ አጀዘ ወበይነ ቀበት ውላድ ሳወ

ትከሬት። ዲብ ማትሪክ ንቅጠት ዲፕሎመ እንዴ አምጸአት ሀይ ዲብ ኩልየት ዐሉም ወቱክኖሎጂ ማይ ነፍሐ አወላይት ሰነት ትደርሰ ሀሌት። ለቅሰተ እብ ክእነ እንዴ አትሐጨረት እግል ዕዙም ክም ሓኬት ኣብሸርኪ ለምሰል በሊስ እብ ሰፍንት ተሀየበት።

ቀደም እለ እት 2016 ኤረትርየ ህዳይ ተሐት ዕምር እግል ልትረፍ እብ ሸደት እግል ትሸቄ ሐምለት ለአትበገሰት ዲብ መናሰበት እንዴ ሐድረት ታሪክ ዳግመት ለዐለት ምሕረት በራኹ። ኣዜ ለሀሌት ዲብ ደረጃት ደግመት። ምሕረት ሳብዓይ ፈሰል ዲብ ሀሌት ዐደ ምን ተዕሊም እንዴ አፍገረው እትሀዱያመ ዐለው። 18 ሰነት እንዴ ኢተአተምም እም ክልኡት ጅነ ገብኡት። ብእስ አሰክ ዐለዮ ምን ጌሰ ህተ ሬፍዓይ ለአለበ ምሰል ክልኡት ጅናህ ጸር ዐድ ሐመሀ ገብኡት። መቅሬሕ ምን ኢሰነ እለ አጀኒተ እንዴ ነሰኡት ዲብ ዐደ እንዴ መጽኡት ድራሰተ አተላሌት ወእብ ዲፕሎመ እንዴ ትደሐረት አጀኒተ ዲብ ትረፊዕ ወዐደ ዲብ ተዓውን ብእስ ሐቅ 10 ሰነት ዐዱ ክም አቅበለ እብ ሐዲሰ ሰብ ፈረዕ እንዴ ገብአው ዋልዴን ሳልሰ ጅነ እግል ልግቡኦ ቅሩብ ክም ሀለው ደግመት። ዐጂ ኣብሸር ምን ቤሊኒ ወኣነ እግል ዕቤ ንየት ምን ወዴኑ እለ አነ የም በዐል ድራርዬ ገብኡት።

ዲብ ጋሽ በርከ ደንቤ ዐዲቢደል ዲብለ ትበህል ቂሾት ለተወለደት ወዐቤት ናይ የም ፈናኒት ሃነ ከሕሳይ ጅነቲት ዲብ ሀሌት የቲመት ምን ኣብ ገብኡት። ዲብ ሐንገለ ሐቱ ሓጀት ጀበት። እንዴ ትመሀረት ከታቢት እግል ትግበእ ከእግል እመ ምን እለ መንበር ጽንዕት እንዴ አፍገረተ ዲብ መዲነት እግል ተአንብረ። ምሀር ክም አቱት ካልኣይ ፈሰል ዶል በጽሐት እብ ገሌ እተ መሕበር ለኢሸርሐቶ አሰባብ ሰለሰ ሰነት በዋረት። ሐቂሁ እግል ተአቅብል ሐዜት ምናተ ለእለን ሓለፊት ሰኔታት እንዴ ዐለበት ሓምሳይ ፈሰል እግል ትኣቱ ሐዜት ወሸሃደት ሰበት የዐለ እለ ኩብቱ ኢረክበት እንዴ ትብል ዐለት ላኪን ተዐወተት ከኣብ ዛይድ ጅህድ ሰናተ ዐሬት። ሳብዓይ ክም በጽሐት ክምለ ሕልመ ከታቢት እንዴ ገኣት እግል ትሸቄ አሰመረ ምንመ መጽኡት ሸቅል ኢትረከቤ ከህታመ ምሰለ ሓለት ለገይሰ ኤታን አፍገረት እተይ ለልትረከብ ምኑ ለቱሎ ሸቅል ዲብ ትሸቄ 10ይ በጽሐት ከዲብ መድረሰት ቱክኒክ አቱት። ምኑ ክም ትከረጀት ተሀዴት ወዐየለት። ደለ እለ ረክበት ዲብ ተአክአልል ሀይ እግል እመ ክምለ ንየተ ለዐለት መዲነት አቱተ፡ እብ ምህነት ተማሲል ዲፕሎመ እንዴ አምጸአት ክምለ እለ ተሐዜ ከታቢት ወመመሰለት ገኣት። እለ አግቡይ እለ ዲብ ትካትር ሐሀ እብ ማል ወመዕነውየት እብ ምክር



ወጎማት ሰበት ኢትፈንተየ ረሸመት ቅድረተ እግል ትብጸሕ ደለ ቀድ'ረ ወደ እለ። እለን አንሳት እለን ወለት እተ ንእሽ ሕልመ በደል እንፈንጥር መሰረተ እንዴ ሓጠዋነ ክም ትነደቅ እግል ኒዴ ቀደርነ ምንጉበእ አክል አየ ዕቅረት ሐለት ክም ሀሌት እተ ወኣክልሚ ሐያተ ወሐያት አዳመ እግል ተአሰኔ ክም ትቀድር ለተአርኤናተ።

ዲብለ መናሰበት በራምጃ ለቀደመት ናይ አጀኒት ፍርቀት ዓዳት ፍዮሪናመ ሐቱ ምነ አሸግረ



እለ ልእከት እለ እብ ብሰር ዋዴሕ ወፈናን ሓለፈተ። እንዴ አትሐወዝኩም ብልዑኒ ትብል። ኣዜ ምን ትረሸዳኒ፡ ነፍሼ ደለ ሰኔት ምን ትመውኒ ሐንገልዬ ደለ ገረመት ምን ተሀየቡ። ፈጅር ሰኔትቹ እግል ትርአው ነሐርዬ እግል ትብልዮ ወትጽግቡቱ ትብል ልእከትለ ሸዕር። ለፍርቀት ፍቲ ህዳይ ወሕዳይ ክል ዶል ሀላቱ፡ ምሰል ሕርያን አንሳይት እግል ልትመሳኔ ለልሐዝዩ አሰክ ምራደ ትበጹሕ እግል ልትጸበረ፡ ምሰል እግል ልዕበው ወመሰኡልየት ዓይለት ሕበር እግል ልዋጅህ ለለኣትፋቅድ ልእኩታት ትቀደመ።

እድንያይት ምዕል አዋልድ ምን ሰነት 2012 ቱ እት እዲነ እግል ትዘከር ለአንበተት ወዲብ ኤረትርየ ሀይ ምን ደዓም እግል ትዘከር እንብትት ሀሌት።



ክርየት መንዴረት ኤረትሮ ወመደረተ

ዲብሊ ካትብ ወጣሕስ ተሰሪክ ላቱ አሰይድ አለምሰገድ ተሰፋይ ምን ፈደራሽን አሰክ እስትዕማር ወሰውረት (1952-1962) እብ ልብል አርእስ ለከትብዩ ክታብ፡ እት ምዕራፍ 17 ለትከተብ “ክርየት መንዴረት ኤረትሮ ወመደረተ” ለታይን ጽብጥ እግል ዮም 6^ሮ ወናይ ደንገብ ክፈል እግል ንርኡቱ።

ሕክመት ኦቶብዩ እግል ደሚር ፈደራል ቀራር ምጅልስ ቅራን ከይድ እት ህሉት፡ ምን ቃብል ኣትቃማት ላኪን፡ እግሉመ ክምሰል ለአሰፋ፡ ዲሎን እግል ሪፔ አከደ እሉ። ምናት፡ ወሰክ ዲሎን፡ እብ ተማሙ ለናይ ከርስ እስትቅላል ኤረትሮ ልትሐፈር እሉ ለህለ አጅወኡ ናይ አምሪክ መሰለሐት እንዴ ኢተኣዜ ኣትሓያስ እግል ቲዴ እቱ ለልትቀደር ኢኮን። ሕክመት አምሪክ ክምሰልሁ እግል ቲዴ መእተዩ ለትገብእ እለ ገራቢትመ ይህሉት ሐቀለ ቤለ ህዩ፡ ክእነ ለትመሰል ክላሰት ሀቡ።

ናይ ቤወ ወሽረ ሐል ሰበት ዐሉ፡ ፈደራሽን ሲያሲያይት ኢገናዐት ክምሰል ከልቅ ምን ሰልፋ እመር ዐሉ። እግል እሊ ምን ወቅት ዲብ ወቅት ዲብ ለሀግግ ገይሰ

ለህለ እቅትላድ፡ ለኢለአደመጥ አው ጭቁግም ሲያሰዩን ሚርሐት ወለትሸለለ ምጅልስ ኤረትሮ ዎሮ ግሁፍ ፈደራል ሕክመት ክምሰል ተሓበረ እቱ፡ እግለ ዕልብ መትቃውመት ሰኒ ወአማን አዜደዩ።

ምነ ሰልፋያት አምዴላት ፈደራሽን እንዴ አንበትኩ፡ እብ ሰበት ኢመሰከብት ዲብ ኤረትሮ ትሉሉይ ተቃሪር እንረክብ ዐልነ። ላኪን እምበል እሊ ናይ ሸቃለ እድራብ ናይለ ሐልፈ መልሐተይ፡ ተርጀመት ለበ ናይ ሸዐብ ተአምርተ ናይ መቃወመት ኢመጽኡት። እብ ተውሳክ፡ ምጅልስ ኤረትሮ ጀላብ መንገፎ ኤረትሮ እብ ትትቀደሩ ክርንቱ ሕኔት ለአሰሚዕ፡ እት ቀደም መዋዲት ሕክመት ኦቶብዩ፡ ምነ ትደህረት ደረጃቱ ገዱ ተሐት ድሁር ህሉ። እሊ መጅብ ኢህለዮት መቃወመት ሸዐብ ድድ ኪደት ኤረትሮ ደይ ሰልጣት እብ ኦቶብዩ ዲኢኮን፡ ሕክመት አምሪክ ክምሰልሁመ ምጅልስ ቅራን መቃወማት እግል ለአሰሚዕ ገበይ ለለአጠፊሕ አው ለለአትናይት ኢኮን።

ኬትባይ ምነ ኣትሃገዮም ብዝሓም ናይለ ወቅት ለህይ ሰብ ሰልጠት፡ እግል ምስጢር አዚም

ሸዐብ ኤረትሮ ዲብ ወክድ ናይ ሕክመት ጨቅጥ ወዐገብ ድጉማም ዐለው። ምን እሎም ደጃዝማች ገብሬዮሃንስ ተሰፋማርያም፡ ደጃዝማች ወልደዮሃንስ ገብሬዝጊ፡ አሰይድ ዮሀንስ ጸጋይ ወሽክ ሰናባረ መሕመድ ደመና ብእቶም። መጅብ ክሎም እግል አዚም ሸዐብ ኤረትሮ ዲብ ርዕብ ወሰብብ መቃወመት ይአጸገወው። ህቱመ ዎሮ ዓምል ምን ገብእ።

ክሎም ዝያደት ለትዋፊቀው እቱ፡ ሸዐብ ኤረትሮ ቃትን ወንዝም ሰበት ፈቱ ወለሐሸም፡ ምነ ህቱ ለአምን እቱ ወኪን እግል ሊጊስ ወልትሸንኬ ኢሐዘ ለልብል ቱ። እንዴ ትመርወተ ዲብ ልስተዕመር ወልትጨቀጥ እስትዕማር ክምሰል ትኬለመ እቱ፡ ዐዱ እንዴ ሐድገ እግል ሊጊስ አው እት ከደን እት ሸፍትነት እት ፈግር ልትረኤ። ላኪን፡ እሊ ዎሮ ምነ ዐባዩ “ዲብ ሐን እስትዕማር ኣቲ ዲብ እንተ ሸፈቶትመ ህሉ። ሸዐብ ኤረትሮ ሓለት መስተዕምራዩ እንዴ ረአ ብዕድ ቤለ ምንገብእ፡ ገርቡ እንዴ ኢገብእ ልቡቱ ለሸፍት። ልቡ ለሸፈተ ሸዐብ ህዩ ሐን እስትዕማር ለበርክ ኢኮን፡ ኪሉም ቱ።”

ዲብሊ መንዴረት ኤረትሮ ለትከፊት እቱ ወክድ ልብ ሸዐብ

ኤረትሮ ሸፋት ምን ለዐሉ፡ ሕክመት ኦቶብዩ እብ ተርእዩ አው እት ወግም እብ ተአትዩ ደረጃት ኢትሸረሐ። ደግላስ ዲሎን እግል ሸዐብ ሶማል እብ መጅብ ኢሐሰሳይ ሸዐብ ኤረትሮ እንዴ ኣትጃገረ “ኦቶብዩ እግል ሸዐብ ሶማል ይአመረቱ” ልብል እት ህሉ፡ እግል መርበይ ሸዐብ ኤረትሮ እንዴ ኣትቀናጨባ ቱ።

ግረ ሕዳት ሰኖታት፡ ሸዐብ ኤረትሮ ንዓል ሰለሕ ዶል ለሀርሱ፡ እሉ እንዴ መወነ ዲብሊ ትትበጸሕ እት ለኣብጽሐ ዶል ትረኤ፡ እሊ ኢሐሰሳይ ጌጉይ ክምሰል ዐለ እግል ልርኤ ቀድር። ላኪን ህዩ፡ ናይ ሲያሲያይ ህንዲዶ ሕክመት ኦቶብዩ እምበል ቀይድ ዲብ ለኣተላሌ ትም ሰበት ቤሉ፡ ሸዐብ ዲብ ብዙሕ ናይ ሲያሲት ህጃማት እቅትላድ ወመሕበራይ ጅርበት እግል ልትቃለዕ ቀድረ። ቀደም ብዕዳም ኣፍራቀዩን ድወል ኣሕዛብ ሲያሲት ወመሓብር ሸቃለ እንዴ ከወነ አሳስ ዲሞቅራሲያት ለነጻፊ ሸዐብ፡ እብ ኢክምኩም ሐረካት ሸዐብ ወመቃወመት እግል ክሉ ሕቁቁ እብ ሐትሐቱ እግል መስተዕምራቱ እግል ልሰልም ትረኤ።

ምስል መትአምባት ንዓል ክፈሕ

መሰለሕ፡ እብ ተማሙ ለናይ ንዓል ሸዐብ ኤረትሮ መደርካይት ቅወት ዳይናሚክስ እግል ልበድል አንበተ። እሊ ህዩ፡ ክርን ሸዐብ ኤረትሮ ሕኔት ዱቅሪ ምን አፋሁ እብ ውኣለት ናይለ ንዓል ሰለሕ ለወደ ሐረካት ተሕሪር እግል ልትሰመዕ አንበተ በህለት ቱ። እሊ፡ እብ ናይ ኖሰን ናይ ሐረካት ተሕሪር - ቀዋኒን ወመባድእ ሰበት ጠወረ፡ ሸዐብ ኤረትሮ ሐድ ቅድረቱ ወእብ ደረጃት ደረጃቱ ዲብሊ ኣሳሲ ወቀይ እንዴ ተሓበረ አው እሉ ዲብ ለአይድ፡ ዲብ ዐውቲ እንዴ በጽሐዩ ገለድ እግል ልብዩእ እሉ ዲብ ጸገም ወመቃካይ ኣተ።

መትከራይ መንዴረት ኤረትሮ በገ፡ ለኣቶብዩ እግል ኤረትሮ ክሉ ረኣሱ ናይ እልሓቅ በራምጃ ለኣትሻፍግ እለ እት ህሉ፡ ዲብ ንዓል ሸዐብ ኤረትሮ ኣሳሲያይ ተቅዩር ለተአመጽእ መዐደዩት ዐባይ ገብእ በህለት ቱ። እብ ሰበት እሊ ኣሳሲያይ ተቅዩር - በህለት እብ ሰበት ተእሲስ ሐረከት ወመትአንባት ግድለ ሰለሕ እንዴ ኢንትሃጌ ላኪን፡ ዲብ ሰነት 1959-1960 እግል ሳደፈ ዲብ እልሓቅ (ጽኢር) ኤረትሮ ዲብ ኦቶብዩ ለዋለ ምህም ኣሕዳስ እግል ንፈሰር ቱ።

ምን ሰወር ወክድ ፈደራሽን ወኣሕዛብ ዲብ ኤረትሮ





ዐለም እግል ንቀይር እብ ሰልፍ ርሕነ ንቀይር

እት መደት ቅድምት መልክ ሰኒ መትመክሕ ወፎጃጅ ነብር ዐለ። እሊ መልክ ዲብ እድንዮ ምኑ ወለዐል ቅድረት ለቡ ነፈር ክምሰል ይህለ ለአምን ሰቡት ዐለ እብ መትፎፋል ወምክሑ ምድር መንክለ። ክትር ጀኣረቱ ህዩ ዐለም ክለ እንዴ ቀየረየ ዲብ ሐንቱ ምልኩ እግል ለኣትዮ ሐሰበ።

ሰታቲባቱ እንዴ አዳለ ህዩ ዐለም እግል ልቃይር ባሰረ። ምናተ፡ ዐለም ክምሰለ ህቱ ለለሐዝዮ እግል ልቀይረ ኢቀድረ። ደለ እበ ጌሰ መታክል ከርዐዩ። ቲለል ክምሰል ትሰደደ እቱ ዐለም እንዴ አዝመ ምነ ህቱ ለነብር ዲበ ቃረት እግል ለቀይር ጀረበ። እላመ ኢሰልጠት እግሉ፣ ክሉ አፍካሩ ፈሸለ ምኑ። ምነ ቃረት ክምሰል ተሐለለ ህቱ ለነብር እተ ደውለት፡ ክምሰለ ህቱ ለለሐዝዮ እግል ልቀይረ ባሰረ። እላመ ኢትቀየረት፣ ደለ እበ ወጠነ



አቤት እግሉ። እሊ መትመክሕ መልክ ምነ ደውለት ክምሰል ተሐለለ ድዋራቱ እግል ለቀይር ሰታት አፍገረ። ዲብ እሊመ ፈሸለ። እት ደንገበ እሊ ክሉ እንዴ አዝመ ምኑ፡ እሰልፍ ዐይለቱ እግል ልቀይር ኡተነ። ዐይለቱ እብ እንክሮም ክሉ ህቱ ለለሐሰቡ እግል ልገበእ ክመሰል ኢቀድር እንዴ አሰኣለወ ፈነጥር ገብአው ምኑ። ሐቀ እሊ ምን ክሉ ሕልሙ ወኤታኑ መሎስ ክምሰል ተርፈ። እንዴ ደግለለ ወትጀክለለ በዐል ዐራት ገብኡ። ክሉ እግል ለቀይሩ ስቱት ለዐለ በርናምጅ ክምሰል በጠለ ምኑ ህዩ በኑ ለአስተንትን ዐለ። እሊ መልክ እብ ፈሸለ እንዴ ለአስተንትን ሐቱ ፍክረት መጽኦቱ። ህተ ህዩ፡ ህቱ ዐለም፡ ወጠነ፡ ድዋሩ ወዐይለቱ እግል ልቀይር ጀረበ። ምናተ፡ ቀደም

እሊ ክሉ ነፍሱ እግል ልቀይር ኢወጠነ። ሰቡት እሊ ብዕዳም እግል ልቀይር እንዴ ኢጀርብ እሰልፍ አርወሐቱ እግል ልቀይር ክምሰል ዐለት እግሉ ፈሀመ። እግል ውላዱ እንዴ ትላክ ክእነ ቤለዮም። “ውላጄ፡ ኣነ ዐለም እግል እቀይር ብዞሕ ተሐለምኩ፣ ምናተ እሰልፍ ርሕዬ እግል እቀይር ክምሰል ዐለት እግልዬ፡ ዮም ዲብ አፍ-ምት ክምሰል በጽሐኮ ኣመርክወ። ሰቡት እሊ ለገብኦ ነፈር፡ አዳም እግል ልቀይር እንዴ ኢጀርብ እሰልፍ ርሐ ልቀይር። እብለ እትፋኔኩም፡ ወደሐንኩም፡” ሐቀለ ቤለዮም ቤት አማኑ አተ። ፍቲያም አውኪር ከገድም፡ ዝያደት እብ አዳም እንዴ ኢንትሐሰር እሰልፍ አርወሐትነ እግል ንሰይሕ ወገበይ ራትዐት እግል ንጽብጥ ለአስትህል።

መዐሉማት አውኪር

- CN ለልትብህል እት ቶርንቶ ለልትረኩብ ታወር (ሮቫን) ዲብ ዐለም ለትወቀለ ታወር ቱ።
- እብ ሐያቱ ለፌመ ወቅት ለጸንሐ ድሙ “አብዕ” (GRANDPA) ለትብል ሰሜት ለትሰመ እት አሚሪካ ነብር ለዐለ እት ገብኡ፡ እግል 34 ሰነት፡ ክልኣት ወሬሕ ወርበዕ ሳዐት እብ ሐያቱ ነብረ።
- ነሀር አማዞን ዲብ ዐለም እብ ርሕብናህ መትጃግራይ ራክብ ለይህለ ነሀር ቱ።
- ለዐበ መሰረሕ ናይ ተማሲል ዲብ መዲነት ራድዮሲቲ - ኒውዮርክ ለልትረኩብ እት ገብኡ፡ እት ዲሰምበር 1932 ትፈትሐ። እሊ መሰረሕ 5,945 መንበር ህለ እግሉ።
- ግሪንላንድ ዲብ ዐለም ለዐቤት ጀዚረት እት ትገብኡ፡ ምን ቴክሳስ እብ ሰለሰ ዕጽፍ ተዐቤ። ለርሕብ ህዩ፡ 840,000 ማይል መረብዕ ገብኡ።
- ቱፋሕ ሐዲስ ዲብ ማይ ሰለል ክምሰል ልብል ነአምር ገብኡ? ኣቤ፡ ቱፋሕ ሰለል ለልብል እቡ ሰቡብ ዲብ ቀብቱ 25% ህወእ ሰቡት ጸብጥ ቱ።
- ደሀብ ሰፍቲም እግል ትሸቂ ወእግል ትትሰርገዩ ለሐሳ ቱ። ሰበቡ ህዩ፡ ምስል ማይ መትሓባር (REACTION) ሰበት ኢወዴ።
- ጅነ ልትወለድ እት ህለ 300 ዐጭም ህለ እግሉ፡ ክምሰል ሽንገለ ላቱኒ ዐድድ ዓጭምታቱ እት 206 ዓጭም ሌጠ ደቄ።

መክነ ንፋሰስ

ፍቲያም አውኪር፡ ምስጢር ናይ እለ ለተሌ ሕሰበት ታመት ናይ እንግሊዝ ነአምረ ማሚ?

THE QUICK BROWN FOX JUMPS OVER THE LAZY DOG.

ተርጀመት ናይ እለ ሕሰበት ታመት - ለገያድ ሐሽል ድርፋይ እብ ረኣሰለ ከልብ ለህኩይ ሰረ። ለምስጢር ተርጀመት እንዴ ኢገብኡ፡ ዲብ እለ ሕሰበት ታመት ክሎም ሕሩፋት እንግሊዝ ምን A አሰክ Z ህለው። እሊ ለለአተዐጅብ ኢኮን ገብኡ?

አጥዐሚቶ

ሙለ ነሰረዲን ምርት ምነ እብ ለባብቶም ወመባልሶም እሙራም ላቶም አንፋር ዐለምና ቱ። መደት ሐቱ ህቱ ወእሲቱ እንዴ ልትሃጀኮ ክእነ ቤለዩ።

ሙለ - ኣነ ዮም አርበዕ ጭንጫይ ቀተልኩ። ህቶም ህዩ ለክልኣት አንሰ ወለ ክልኣት ህዩ ተብዕን ቶም።

እሲት- መንኮር ተ እለ! ጨነጨት ህዩ አንሱ ወተብዐቱ ከአፎ ልትፋረግ። አርበዕ ሌጠ ቀተልኮ ኢትከፊኩ።

ሙለ - ኣነ ክልኣት አንሰ ወለ ክልኣት ተብዕን ክምሰል ቶም አክልሕድ ፈረግክዎም!

እሲት - እለ ኢትገብኡ ወኢትጸንሕ ተ! ሐሳይ እግል ኢሊበሉኩ ቀደም አዳም ኢቲበለ። እትሰ ቤትክ እግልዬ ሌጠ ድፈን እበ!

ሙለ - እብ ከአፎ ክምሰል ፈረግክዎም እግል አሰእለኪ ኢትትቀጸበ?

እሲት - እግልሚ እትቀጽብ፣ ጨነጨት አፎ ክሉ ኢትጀልፍ! ኣነ ትገብኡ በል እብል ህሌኩ።

ሙለ - ለእበ ፈረግክዎም ክልኣት ምናም ዲብ መዐፈዩት ጸንሐወኒ። መዐፈዩት ህዩ ዝያደት ለትነፈሪ እበ አንሳይት ተ።

እሲት - እግልሚ ዝያደት አንሳይት ትትነፈሪ እበ?

ሙለ - እለ ለእምር! አንሳይት ግርመት ሰበት ትፈቱ።

መራዐዮት አንድብ ዲብ አጀኒት ወአግሩዝ

ምዕራፍ 10

ዲብ አንድብ ወገጽ ለሳድፍ ዓዲ ለኢገብኦ ጋራት (DENTAL ABNORMALITIES)

ዲብ አጀኒት ለትፈናተ ዓዲ ለኢገብኦ መማኒ አንድብ ልትርኤ። እሊ መማኒ እሊ ለበዝሐ ወቅት እብ ክልቀቶም ወመደረት(እብ ሰቡብ መሻክል ድዋራቶም) እግል ልግበእ ቀድር። ሰሩ ገሌ እሊ አንድብ ምን ዋልዴኖም ለወርሰወ እግል ልግበእ ቀድር።

ዓዲ ለኢገብኦ አንድብ እብሊ ለተሌ አሰባብ መቢዐት(ክልቀት) መጽእ፡

- አንድብ ናቅቤ፣

- ምን ዐደድ ወለዐል አንድብ፣
- አከይብቅለት ለበቅለ አንድብ።

1. ኢበቂል አንድብ-ዕብ

ዲብ ሰርም ገሌ አጀኒት አንድብ-ንእሽ ክምሰል ትሻረፈ ሐቀ ገሌ አምዴላት እግል ልብቀል ለወጅቡ አንድብ-ዕብ ኢበቂል። ኢበቂል እብለ ትፈናተ አሰባብ እግል ልጅሬ



ቀድር። እግል ትሸረፍ ለወጅብ ኒብ እንዴ ኢትሸረፍ ሐቀ ትደንገረ። አሰረ ለትመጽእ ኒብ ትከርዐ አው እብ ሰቡብ አዘ እንዴ ኢትበቅል ተርፍ። አንድብ ዕብ እንዴ ኢበቂል ወቅት ረዩም ሐቀ ነሰኦ ለጅነ ዲብ ሐኪም አንድብ እግል ንንሰኡ ወጅብ። ለኒብ እብ ገሌ አሰባብ ክርዕት እንዴ ዐለት፡ ገበይ ሐቀ ረክበት እግል ትፍገር ሰጢር ለልኣትሐዝዮ እግል ኢትግበእ ሐኪም እግል ልርኣዩ ምህም ቱ።

2. ምን ቅያሰ ወለዐል ዝያደት አንድብ አብቀሉት (SUPERNUMERARY)

እሊ ዲብ አንድብ-ንእሽ ዝያደት ልትርኤ። ዲብ አንድብ-ዕብመ ምነ ተሓት አንድብ ዝያደት ዲብ አንድብ ለዐል ልትርኤ። እት ፍንጌ ጀሃሪ ናይ ለዐል ዝያደት ሳድፍ። እሊ



አንድብ እሊ እንዴ ተአሰረ እግል ልሰኔ ቀድር ሐቀ ገብኦ ምስል ሐኪም መትጋማይ ለኣትሐዘ። አንድብ ሐቀ ዘደ ግርመት ናይሊ ነፈር ትጀግሉብ። ሰቡብ ዋልፍ ወክፍኤ ህዩ ገብኡ።

3. አከይብቅለት አንድብ (ዓዲ ለኢገብኦ አንድብ)

ዲብ ገሌ አጀኒት ጀፈር ናይሊ አንድብ በልሒት እግል ልግበእ ቀድር። ለአንድብ ነኣይሽ አው ፋይሕ፡ አው ክልኤ ኒብ እት ሕድ ለለጥኣዩ እግል ልግብኦ ቀድረ። እሊ ሽክል እሊ እብ ሰቡብ መደረት አው እብ ውርስ እግል ልምጸእ ቀድር።



ወድ-ሚን አድም እት አፍሪቀ ትከለቀ ምን ሆኖ አስክ አየ ጌሰ መሰለኩም?

ወድ አዳም አሰልፍ ክም ትከለቀ፡ በሀላት እት አፍሪቃ ግራሁ አስክ አየ አሰሐበበ መሰለኩም? እብ ክሱስ እሊ ሰኣል እሊ ብዙሕ በሐሰ ጋብእ ዐለ ወሀለ።

እብሊ ሆኖ ለትፈናተ ሐብሬታት ልትሆኑ ምንመ ጸንሐ፡ አዜ እትሊ አያም ቅሩብ ለትረከ አሳር ወድ-አዳም፡ አዳም ምን አፍሪቀ እት አስያ ክም አሰሐበበ ለልክሸርቱ ልብሎ ህለው ዕለመ።

(ሆሞ ሳፒንስ)እት አብዓት ቻይነ ሰበት ረክበው እት ገብእ፡ ምን እሊ እንዴ ትብገሰው ወድ አዳም ቀደም 80,000 አስክ 120,000 ሰነት እት ቻይና ጋይሰ እግል ልግበእ ቀድሮ ሰበት ቤለው ቱ። እሊ ሆኖ ምን ገብእ ለዐለ በሐሰ ለቀደመ ሰበት ገብእ፡ ዝያድ ኩቡቱ ራክብ ህለ።

እትሊ አያም ጎነ እት መጀለት ዕሉም ለፈግረት ሐብሬ ክምሰለ

ዝያድ 30,000 አስክ 70,000 ምን እት አሮብ ልትረከብ ለህለ አሳር ወድ አዳም ለቀደመ ሰበት ገብእ፡ እት ድዋራት ምግባይ በሐር ለህለየ ዐዶታት ወአሮብ ምነን ወድ አዳም እት አስየ እሸኩፍ ክም ዐለ እሰባቱ ቱ ልትብህል ህለ።

አስክ እሊ ክምሰለ ብጽሕት ለህሌት ሐብሬ፡ ጥዉር ወድ አዳም በሀለት እግል ርሐ ለልክምር ሚን-አድም እግል አፍሪቀ ቀደም 50,000 ሰነት ክም ገዐዘ ምነ፡ ባሕሰት ማርያ ማርቲኖን ምን ጃሚዓት ለንደን ወሴድየይት ወረቀትለ በሐሰ ተኣክድ።

ለበሕሲን ክምሰለ ሐበረው፡ ምሰለ እት ቀበት እሊ አብዓት እሊ ለጸንሐ አልሓይ ወድ አዳም ለትፈናተ እት አምዕላይ ወራታቶም ልትነፍያ እቡ ለዐለው መሻቀዶታት እበን በሀለት ክም ከረ ሰነኪ ወፋሳት ሰበት ኢጸንሐ ምሰሎም፡ እትሊ አካናት እሊ እብ አው ከደን ማጽሓሙ እግል ልግብኦ ክም ቀድሮ አሸረው።

ምናተ አስክ እሊ እግልሚ ወድ አዳም ለእት መጦሩ ለዐለት አሮብ እንዴ ሐድግ ረዩም ድዋራት አስየ እግል ሊጊሰ ለሐረ፡ ለልብል ሰኣል አስክ እሊ ምንኩር ጋብእ እቶም ክም ህለ እት ልትአመር፡ መምክን አሮብ እብ ዐለት እግል ሓለት ጀው፡ ወወድ-አዳም ለወክድ ለሀይ ሓለት ጀው አፍሪቀ ላምድ ሰበት ዐለ፡ እሊ ሓለት ጀው እሊ እግል ትትመሳኔ ምሰሎ ሰበት ኢቀድረት ገብእ። እግልሚ አሮብ እት ወክድ ለሀይ እብ በረድ ግልብብት ሰበት ዐለት እት ልብሎ በልሶ ለባሕሲን ህለው።



28,000 ለወዴት ሸክና ሆሞ-ሳፒንስ ለልትብህል ጅንሰ አዳም (ክሮ-ማግኖን) እት ፈረንሳ ለትረከበ ለልትብህል ትብገሰት በዐት ፋያን

እሊ እብ ባሕሲን አሳር ለፈግረት ሐብሬ ክምሰለ ትሸርሐ፡ 47 አልሓይ ወድ-አዳም በዲር

እት አቅሊም ሁናን ግብለት ቻይነ ለትረከበ አልሓይ ወድ-አዳም እብ

ምን ገጽ 8 ለተላለ

እምበል እሊመ ምን እት ክል አምዕል ክም ንሳል ህልጌ እንዴ ገብአው እትነ ምክነ ለዋልሞ አፍካር ሕር ንግበእ፡ እሊ በሰር እሊ ሆኖ ቀደም ሰነብን ዶል እንጀራርቡ ምህም ቱ። እሊ ለእንወዴ እቡ ምክነ እብ ህልጌሁ እግል ኢልክክር ወእግል ኢልዘክሩ እንዴ አንደፍናሁ እግል ልግርፍ ምን ሐዜናሁ ቱ። ናይ ፈርሀት አፍካር ንዳገኖም፡ ልብነ ለልክቀሴ አፍካር እኩይ ንንሐየም፡ ከሐንገል እብራቁ ከፎ ተርፍ ትበው? አማንኩም ቱ፡ እት አካን እሊ ሐንገልነ እብ አፍካር ሰኔ፡ ሰአየት፡ ፈርሐት ወናይ መትዐዋት እቡ እንዴ መልክናሁ ምን ጽልመት እት በርሀት እግል ንዐድዩ እንቀድር። እሊ ሆኖ አሰሐከ አድሐ ወምሴ እተ ህለ ወክድ

ሰነብ እት አካን ሰነብ ሃድኦት ወራይገት እግል ኒደዩ እንቀድር። ከአዜ እት ደንገባለ ክቱብነ እሊን አግቡይ እሊ እንዴ ጀረብነ ተቅዩር እት ሐያትነ ምን እንርኤ ለሐይሰ ሰበት እንቤ እተን እግል ንዐዴኩም ቱ፡ ኣነ ኖሼ ቀደምኩም እግል እርኣየን እንዴ እቤ ምነ ቃኑን እፈግር ህሌት፡ እዳየግ ህሌት! አስክ ህልጌ ምክ ለነሰእ ደየግ ዐቅል።

1. አሰልፍ ህልጌ ምክ ሕማም እግል ምክ ለደምር ክም ቱ እት ምክ እሻረት ዐባይ ውዴ እቱ።
2. እብ ሐድ-ሐድ ኢመትህላግ ለትትዐለም እቡ በሰር ክም ከረ ደማንት ኖሰ ወኤማን ተውብ ወጀርብ
3. እት ሂገካ ድቁጣት ለከልቅ ከሊማት ኢትአብዘሕ፡ “የም

አምዕል እኪት እግል ትግበእ ትቀድር” በደል ትብል፡ “የም አምዕል አምዕልዬ እግል ትግበእ ቱ” በል።

4. ህልጌ ለበዝሐ እቱ አምሐበሮት እቱ ዶል ትትሓበር እንዴ ሀድኦክ ወክሊማትክ ሐሬክ እብ ለባበት ብለሰ ወምነ ጋሪት ባልሐም።

5. ሰአየት ምሰለ ኢበትኮ አንፋር ምልሆት ውዴ።

6. ብዕዳም አንፋር ህልጌሆም እግል ልባልሐ መርቤ

እሊ ክሉ ዶል ወዴ ሰላም ከርሰ ትረክብ ወሰላም ከርሰ ለቡ ነፈር ሆኖ ሐያት ሰዲደት ወፋርሐት ነብር። ሰበት እሊ ክልነ ድድ ህልጌ ምክ እንዴ ትብገሰነ እግል ርሕነ ወአዳምነ እግል ንግበእ ንትብግሱ።



ምን ሐልየት ቤት-መዐለ ወቤት መዐሽ መሐመድ ወድ ክሚል ወድ ሐየት አድሐ ለልትብህል ሓልያይ፡ በዲር ዐድ ሃሰሪ ወቤት-መዐለ ትብአሰው ወሕድ ቃተለው። ሐር ቤት-መዐለ ሐባብ ከንቲባይ ሓምድ ትቃለው። ወትከበተኖም፡ ሀበዮም አልበሰዮም፡ ሐርደ እሎም ወአሰይፍ ወአግሉብ አጸረዮም። “ሚ ኒዴ እሉ ሰኔት እት ልብሎ ሐር ሆኖ እግል ቤት-መዐለ ከየነ እት ከዐድ ሃሰሪ ትቃለ ወምሰሉ ዘምተ፡ ወቃተለየ። ከእግል መሐመድ ወድ ክሚል ትሰኣለዎ፡ “ከአፎ ዐለ እትኩም ከንቲባይ ሓምድ” ቤለዎ። ወህቱ ለሰኣሎም እብሊ ሕላየት በልሰ እቱ።

“ከአፎቱ” ምንዲ ትብሉነ ሕነ ነአምር ሕላየ እክል ርኤነ አብለዶቱ ወሐሊብ ርኤነ አሰታዩ ሐራድ መካናት ወሪድ ለልትከዴ አድማዩ ሀያብ በለሊት ለሀይመ ጎሁቱ ላፍቃዩ ሀያብ ገለብ ወሰይፍ ጽዋር ምንለ ጽንፋዩ በርክ ዋዲ መላቅምቱ እብ መሳውድ መአራዩ ጋሽ ፋሪ ምን እክል ክል ዎሮ መልእ ግራዩ ገርበን እግል ኢነሐምድ ለእሉ ርኤኩምቱ ወዳዩ ምን ብሹል ትሸራገ ከሰገ በልዐ ጥራዩ ገርሀቱ እንዶ ሐርሰዩ አተ ምነ ዓቅባዩ ካይንቱ እግል ኢኒበል ካይን ልግበእ አባዩ ጹፍቅቱ እግል ኢኒበል ለእሉ ርኤኩምቱ ውዳዩ።

ዐድ ዕመር ቤት መዐለ ምን ትብአሰው፡ ዐድ ዕመር ሰልፍ ዐድ ምን ቤት መዐለ ዘምተው። ቤት መዐለ ሆኖ ቀንጸት ከእግል ዐድ ዕመር ምሰል ሓድር እት እንቱ ዘምተቶ፡ ከወለት ነታባይት እተ ጸንሐት ወደሀበ ወሶሚተ ወልባሰ ነሰአው ምክ ከግርም (ዓሩም ምሰል ሱፋይ) ናይ ነዋይድ አልበሰው። ሐር እግል መሐመድ ወድ ክሚል ወድ ሐየት አደሐ “ግንሐ” ቤለዎ። ከህቱ “አግልሚ እኸሐ” ቤሎም ወሐር እሊ ሐሊ።

ወለት ዐድ ዕመር ሓኪ እሊ ወአሰእል በረርሀቱ ገርብ ምሆ ምልእት ምን ዕዋር ከቦ ብጥረት ኬዘራንቱ ኬን ወእንዜ ለቀብል ጀንገሪፋይቱ ሲጋደ ረአሱ ምሉእ ምን እክል ግርም ነዋይድ ሀበዎ ገርብ ለዓሩሰ ኢለሰትህል ሕነ ወዐድኪ ተሓሚነ እምበል ሕብዕ ወሰትር ዐካት-ነአፍ ዘመትነ ሓትድረት እንተ እብ እሰር ነታብመ አሰኪንህ “ኢእንሰኪ” እንትብል ሰረ በርክ ከሬንሁ እግል ልሕረሰ ምን እክል ወሰረ ኣውለት ነውኔንሁ እግል ሊሙት እብ ድብር እብ መናዱቅ ዘመትንሁ ርሳሰ ለእሳት ለፈግር እብ ሐጺን ዘመትንሆም ከገርቦም ገብኦ ጀነፍል እንሳሆም ነሰኣነ መቼለ ሕድገት ሚ ተኣሰትህል ሓሆም ነሰኣነ ብያን እንተ ምን ዕድር አብያቶም አንደድነ ንይዱቅ እንቱ ለሐመምር እም-አጫቤዕ ወግድመት ሸአግናሁ ረአሰለ ዐነክል ሐቱ አምዕል ወዴንሁ ብለቸ ወሸረብ ወሕንብር እሊ ዐድ በዲርመ ሐጺን ነሰኣ ክል ፈጀር እግል ለህለ ኢግሚ እምበል ለገብእ ሐን ቀብር ዕዳይነ ትፈዴነ አአዳም ዲመ ሚ ነብር ክረይ እዴቱ እሊመ ሞላድ ዐድ ሕድ ሚ ጸብር ትሰክብ ትገብእ ሚ ኢቀብህ ዐረ-ገለድ ለፈጀር

ሸባብ



ሕዱግ ሰሌማን

ዓሙድ “አተሰቡን”

አስክ ጀሪደት ኤረትሮፒ ሐዳስ ዓሙድ አተሰቡን፡ ሰላመቼ ቃዝረት ትብጸሐኩም እት እፈቴ እትሊ ዓሙድ እሊ ልትቀደም ለህሊ መዋድዕ እግል ሸባብ ለነፍዕ ሰበት ገብእ እት ሐምደኩም፡ እተ ለሐልፈት ጥብዐት ጀሪደት ኤረትሮፒ ሐዳስ ለቀርበት ርሳለት እተ ረአዩ እግል ሀብ ምን ሐዘኩቱ። እሊ ርሳለቼ ምን ረወራት ዐንሰበ እነድኦ እትኩም ለህሊቱ። ወላሂ ወለፍ ሰኒ ወአማን እኩይ ቱ ወእብ ፍንቱይ ወለፍ ከምረት፡ ከአዜ አነ እብሊ ሽዕር እሊ እንዴ ወዴት ረአዩ እግል ሀብ ሐዘ ህሊኮ እግል እሊ ሐፍ ከእተ ረአዩ ‘ግል ዐድዩ፡

ሐነ አፎ ክእነ በዴክ
ገበይ እኪተ ለእግሊ ሐሬክ
ምን ክሉመ ስታይ ከምረት
እቢት እብ ዲን ወዓደት
አባዩ እዝንዬ እሊ ሰምዐት
ምን እሊ ዘዐት አልሄቶ ወጸመት
ወምን እሊ ርሳለትክ ዕንቼ ወተዐንገበት
እዴዬ አልሄተ ወኢክትብት
ምናተ ክሉ ሰምዐዩ ወርአዩ
እሊ ሻብ እግልሚ ክእነ ወቀዩ
ሕነ ገድም ንግመዩ

ሰበት እቤ ወናይ በዲር ታሪክ እንዴ ሐደግከዉ
እሊ ጀዋብዬ አስክ ወጀሀኩዉ
ለሐልፈ ሐልፈ ወትለከፈ
ምስል ርሕክ ገለድ በእ
ምን ባራት እግል ትትሐበዕ
መልህያም አጀድድ ወሂገ ሰመዕ
ለሐልፈ ዘበን ወለትከዐ ማል ጅመዕ
ሐቐህ ሐያት ሐዳስ አንብት
ጎማትክ ብተክ አብሊ ፍት
ትግበእ እቼ ግርም ሕት
እንዴ ትቤ መሐል ምነ
ወገህ እለቲት ውዴ እግልነ
ሰኒ በለኒ ልወሰክ ሰነ
ምን እክ ደሐን ወአድሕነ
እብለክ ሐነ

ዐሊ ጃበረ ምን ርረ ቤት ገብሩ

ዎድሩይ እሊ ሰለሰል ባትኩ ምንክ

ሰላመት ሰፈላል ወሪም ምድር እቀድም እግልኩም ሸባብ። አነ ዮም እሊ መውደዕ እሊ እብ ገበይ ሸበክት ሻባይት እት ጀሪደት ኤረትሮፒ ሐዳስ ከም ርኤኩዉ እሊ ርሳለት እሊ እክትብ ህሊቱ።

እትሊ ወክድ እሊ ሸባብ እት ከምረት ለትካርዮም ሓጀት ህሌት ኢመሰለኒ፡ እግልሚ እብ ገበይ ሸበክት ሐብሬ ወክምሰልሁመ እብ ገበይ እዕላም ብዙሕ እብ ክሰሰ ከምረት ለመክር በራምጅ ልጠለቅ ሰበት ህላቱ። እሊ ሐፍመ ሰአዮት እወዴ እሊታት እንዴ ሰምዐ ርሐ እግል ልሰዬሕ ብገሰ ለህሊ እግል ልግበእ፡ ሰበት እሊ አነ እብ ረአዩ እሊን ንቃዋ እሊን ተሌ እብሉ።

1. ክሉ መደራትለ ከምረት እት ወረገት ክተቡ
 2. እሆታይ ቱ ለትብሉመ እብ እንክሩ ክተቡ
 3. ምን ክልኢቱ አዩ በዜሕ ረአዩ
 4. ለእግሊ ትንሰእ ህሊክ ምስዳር እግልሚ ሓርህ ክም ህሊክ ሰበበ ክተብ
 5. እት ከምረት እግል ትእቱ ሰቡብ ለገብእ እግልክ ሓጃት ክም ከረ ቀሀር፡ መልህያም፡ወለፍ ወብዕድ ክተብ
 6. እብ እሰወ ገበይ እግል ትባልሑ ክምቱ ክተብ
 7. ሐዳስ ገበይ ወምልህዮት ቅፈር
 8. ዘበንክ ወማልክ እት መዓል ሰኒ አውዕሉ
 9. ደያነት ተሌ
 10. ባትክ ግበእ፡ እሊ ዶል ወዴ ትትዐወት ለልብ መፍሁም ብዬ ብዕደት ወደሐንክ።
- አድም ጃበረ ምን ክዌት

አስክ ጀሪደት ኤረትሮፒ ሐዳስ ዓሙድ “አተሰቡን”

ሓይሰ ዐንጃ አሰልፍ ወለ ዐቢት ምስዳር ኖሰክ ናሰክ ህሊክ፡ሰበቡ መደረት ሰጃረት ወለሰበቡ፡ እትክ ተአሰር እንዴ አመርክ ብገሰ ህሊክ ወለትገበእ ህዩ ከርዑ አለበ። ከኣነ ለኣብሊ ምን ከምረት ለልትዘቤ እቱ አፍናት ወለ ምስሉም ከምረት ሰቱ ለዐልክ አንፋር ሪዋም እብለኒ።

ምን ህመም እብሊ ከምረት እግል ልባልሐክ ለቀድር ከም መትፋዊኒ ህዩ እት ነዋዲ ርዮደት (ሰፖርት ክሉብ) ትረት እግር ወአፍላም ምን ተዐፊ ወኣም ከረ ጀራይድኣክትብኒ፡ መጀላት ምን ትትመሳፊ መልህያም ሰንያም ወንታላም ወትመሳፊክ ዐልኒ፡ እንሻላህ ረቢ ሰዴክ ወወፍቀክ

መደርሰ ጃብር ዐሳማን ምን ባጽዕ

ዎ ሸባብ ዕምር ሀልጌ እግል ትሓጭር ተሐዙ ማሚ?

እሊ ሰኣል እሊ ዶል ልትቀደም እቱኩም እብ ክርን ውቅል እሊ ሰኣል ሚ ለአትሐዝዩ ክም ትብሎ እመር ቱ። እግልሚ ሀልጌ እቡ ልቡ ለኢበደ ሻብ አውመ ሻበት ሰበት አለበ። ምናተ እሊ አዜ እግል እክተቡ ሐዜ ለህሊኩ መፍሁም ምን ብዙሕ ክቱባት ወምን ናይ ኖቬ ተጃርብ እንዴ ወጫጨልኮ እብሊ እግል ርሕዬ እት እሰኣል ወረአዩ እት እሰምዕ፡ እብላመ ህዩ ረአይ ሰብ መቅደረት ዕልም ነፍሰ ዓፍዮት ውብዕድ ምስል ደሚር ለልትጸበዋ ክም ከረ ልባብ ለመሰል ክቱብ እንዴ ካተርኮ ክልነ እብ ሕበር ሓብር ምን እሊ ጋራት እሊ እግል ንትባለሕ ምን ሐዘኩ ቱ እሊ አርእሰ እሊ ህሩሰ ለህሊቱ።

አሰልፍ እሊ ታመት ሕሰበት እብ አምዐሞክ ኒበል፡ እንዴ አንተበህነ ንቅረኦ ወለዘተ ነኣዳውር። ግራሁ ምስል ርሕነ ነኣትጽብጠ፡“ሀልጌ እንዴ ኢገብእ፡ እግል ሀልጌ ለንህይቡ በሊሰ/ረድ ፍዕል ቱ ለቀትለን” ቤለ ሃንሰ ሴሊ ለልትበህል ሓብቡ። ሰኒ እሊ ታመት ሕሰበት ምስል ርሕነ ነኣትጽብጥ፡ እሰዉ ቱ ለልኣኬ እትነ? ለሀልጌ መእግለ ሀልጌ ለንህይቡ በሊሰ? እብ አማን ለኣልኣይ ቱ ለረብሸኒ። እግልሚ፡ እብ ንሳልነ ለትፈግር ዘዐት ወህታመ ሀልጌ ወድቁጣት ነፍሰ ለወልደተ ሰምምት ሰበት ገብኣት፡ ክል-ዶል ሕምዘ ለትዘርእ እትነ ወእብ ገበዩ ለትገብእ ምስዳርመ ምነ ለትኣኬ ሰበት ገብኣት ቱ። ሰበት እሊ ንቅጠት ሐቱ ዳርሳም



ህሌነ በህለት ቱ። አዜ እት ነፍሰነ ወመንፈሰነ ነኣቅብል፡ እብ ገበይ ደያነት ርሕነ ዶል እንገንሕ ያረቢ እግሊ እንተ ሀብከኒተ ሰብር ሀበኒ ወለገብኣት ሓጀት ምን ቅድረቼ ወልዐል ኢቲደዩ ዶል እንብል፡ ረቢ ምን መቅደረትነ ወልዐል ለገብኦ ጋር ክም ይህይበነ እግል ነኣንተብህ እንቀድር። ሰበት እሊ አዜመ እግል ንትህለግ ክም አለብነ ወለገብኣት ቀድዮት እብ ሀዳኣት እግል ንመርምረ ሰዴነ በህለት ቱ።

ክል ነፈር እት ሐያቱ ዕዉት እግል ልግበእ ለሐዘ፡ ምናተ ሀልጌ/ድቁጣት ነፍሰ እት ህለ ዲብነ እግል ንትዐወት ለህሊ እግልነ በክት ሐዋን

ገብእ፡ ከአሰልፍ እግል ልትበለሰ ለቡ ሰኣል ሀልጌ ሚ ተ? ለልብል ቱ። ከሀልጌ አውመ ድቁጣት ነፍሰ ለእንብሉ መትብጭባጭ ፍክር ምክ ወኢሰካበት ቱ እንዴ እንቤ እብ ሂገ ትግራይት መዐነቱ ምን ንሐሰብ፡ እሊ ህዩ እት ርሕነ ወእት ብዕዳም አንፋር ደማር እግል ልሰብብ ለቀድር ሕማም ምክ ቱ ዶል እንብሉ ዝያድ እንፍህመ መሰለኒ። እሊ ሕማም እሊ ምኑ እግል ንትባለሕ እንቀድር መኢፋሉ ለልብል ሰኣል ህዩ እት ምክ ክልነ እግል ልምጸእ ለቀድር ቱ። እግልሚ መደረት ዎርት ሕማም አመርክ ምንገብእ፡ ምኑ እግል ልትባለሕ ለልሐዜ ጠቢዐታይ አደብ ሸባብ ሰበት ህለ እግልካቱ። ከእሊ ሰኣል እሊ እብ ሰኣል እግል ንብለሱ እንቀድር። ንትወለድ እት ህሌነ እሊ ሕማም እሊ ምስልነ ትወለደ መኢፋሉ፡ ለልብል ሰኣል ቱ። በሊሰ እሊ ሰኣል እሊመ ኢፋሉ ክም ገብእ እምበል ተፍኪር እኩድ ቱ። ሰበት እሊ ምስልነ ለኢትወለደ ሕማም እብ ሰብብ ድቁጣት ሐያት ውብዕድ መሻክል እጅትማዕዮት ለአመጸነ እግል ንትባለሕ ምኑመ መቅደረት ዐባይ ብነ በህለት ቱ።

ከምን እሊ ሕማም እሊ እግል ንትባለሕ ምን እሊ ደቂቀት ለእሊ ክቱብ እንቀርእ እተ ህሌነ ኢነት እንዴ ትብገሰነ ምስዳር እግል ንንሰእ ቃድራም ህሊነ በህለት ቱ። እግልሚ እብ ቀልብ ናሴሕ ወእንትባህ እንቀርእ ሰበት ህሌነ። አዜመ እተ ተሌ ጽበዋ እሊ ክቱብ እሊ እግል

ጠቢዕዮት ለኢገብኣት እብ ሐድ ሐድ እት ሀልጌ እግል ትትዐዴ ትቀድር። ሀልጌ ህዩ እም ቁትለት ሕማማት ክም ተ ተአምሮ ገብእ? እብ አሜሪክዩን ሰብ መቅደረት ዓፍዮት ለገብኦ በሐሰ እት 176 መስኢሊን ዐለ። ምን እሎም አንፋር እሎም ህዩ እብ ሰብ ሀልጌ/ድቁጣት ሐንገል፡ ደቅዋ ደም፡ሕማም ልብ ወምስሎም ለልትጸበዋ ሕማም ክም ልትጀረሶ አክደት፡ ከእሊ ሕማም እሊ ምኑ እንዴ ደሐነው ዕምር ዋወል ለረክበው አውመ እብ ትትቀደርም እንዴ እት ሐንቱ መራቀባት አተዉ ለሄረረው አንፋር ወዕምሮም አሰክ ምእት ለበጽሐ ከፎ ዐለው ገብእ? እንዴ እንቤ ለገብኦ እግሎም በሐሰ ዶል እንርኤ ክእነ ለተሌ በሊሰ ትረከበ ምኑ።

ምነ በሐሰ ለወደው ሰብ መቅደረት ዎርት ደክቶር ኖርማን ቪንትሴንት ፔል ልቡሉ። ህቱ እት ፍገራትለ በሐሰ እሊ ለተሌ ንቃዋ ካሪ ህለ። እሊን ንቃዋ እሊን ህዩ እግልነ እት ሸበት ለህሌነ ሸባብ ለነፍጽተን።

1. ርሐም እብ ሸቅል ለትጸበጠት ወደው ሰበት ዐለው

2. እት ብዙሕ ሓጃት ለዐለ እግሎም ሸዑር ወለህሊት እግሎም ንዩት አክልሕድ ሰበት ዐለ።

3. ለበልዕወ ነብረ ቅልል ለትቤ ወለሐደት ሰበት ዐለት።

4. እት ሐያቶም ፋርሓም ሰበት ዐለው።

5. እት ወክዶም ሰበት ሰክዐ ወፈዝዖ ዐለው።

6. ምን ሀልጌ ወፈርህት ሕር ሰበት ገብኣው፡ እብ ፍንቱይ ኤማን ሞት ሰበት ሶም።

7. ምን ሀልጌ/ድቁጣት ምክ ሕር ለገብኦ ሐንገል ሰበት ሶም ቱ ልብል ለበሐሰ።

እሊን እት ለዐል ለሰሚናህን ንቃዋ ምስል ርሕነ ነኣትጽብጠን፡ እሰዉ ንቅጠት ንትነፈዕ ዐልኑ፡ ሰበት እሊ ክለን እግል ንትነፈዕ ንጀርብ። ሐር ህዩ ሀልጌ እግል ምክነ ሌጠ ለተምትም ሕማም ኢኮን። እት ልብናመ ሰድመት ለወዴቱ፡ ጅሩባመ እንቱም ማሚ ሽሩ ልክለኣ። ምን እሊ እግል ንትባለሕ ህዩ ሚ እግል ኒዴ ብነ ትበው? ሰኒ ንስመዕ ደማንት ኖሰ ተህሌ እግልኑ፡ እት ለገብኦ ቴለል ሰአዮት ኢንብተክ፡ ረቢ ህለ አዩ ጌሰት ምንኣነ ሸባብ? እሊ ዘዐት እሊ ንድገም፡ ግራሁ ለእሉ እንሸዕር ሀልጌ እግል ንመቅሬሕ ንክደም። እግልሚ ሰአዮት ለኢበትክ ወደማንት ኖሰ ለቡ ነፈር ለትሸብቡ ሀልጌ፡ “መልህይ! አዳም ብዕድ ሕዘይ እልኪ” እግል ሊበለ ወምን መንፈሱ እግል ልትዳገነ መቅደረት ካፍዮት ሰበት ቡ ቱ።

ዲብ ገጽ 7 ልተላሌ

ዐጃይብ ወፍክር

• ምስል ክልሉት ረአሰ ለትወለድ ጀኔታይ

እት ሸሀር አክቶበር ሰነት 1981 ዲብ ሐቲ ምን ሆስፒታላት አልነምስ ክልሉት ረአሰ ለቡ ጀኔታይ ትወለድ። ለጀኔታይ ዲብ እለ እዲነ እግል መደት ሐቲ ሳዐት ሌጠ ጸንሐ። እለ ጀኔታይ ክልሉት መቅደድ ወሐቲ ጅምጅመት (ቀዝፋፊት) አክል ክልሊቱ ለሐነግል ምስል ለትረፈፊ ዐለት እለ።

ሐካይም ተኸሰሰ ጃናት እለ ጋር እለ እንዴ አሸረው እት ሀበወ ሐብሬ። እለ ናይ ክልቀት ከራብ እለ ለሳደፈ እበ ምስምሱ። ምን አመረ እግለ እም እት ወቅት ዕምስናህ ለትከበተቱ ናይ ሻይረስ ዐደዮ እግል ልግበእ ቀድር ቤለው።

• ክልሉት ልብ ለቡ እናሰ

ጆሴፔ ዶማይ ለልትባህል እት መዲነት ናፖሊ ኢጣልያ ነብር ለዐለ እናሰ። ክልሉት አክል ሕድ በንብኖም ለትከለቀው አልባብ ዐለው እለ። ዲብ ብሪጣንያ ለዐለት አካዳምያት ሕክምነ እግል እለ እናሰ እት ሰነት 1894 ዐስር ሐምስ አልፍ ዶላር እንዴ ሀበቱ። ቅብላት እለ ማል እለ ህቱ ክም ሞተ እትለ ጅናዘቱ ተሸሪሕ ለትወዴ እቡ ሐቅ እግል ለሀበ እትፋቅ ወዴት ምስለ። ለእትፋቅየት እት ረአሰ እለመ ምስል ዶማይ ለትዋደወ ገለድ ዐለ። ህቱ ህዬ ዶማይ እት ሐን ለጉበኦ ልግበእ ተዩልል ምን ኬን አብሐር እግል ኢልትዐዴ

ክም ኢወጅቡ ለእትፋቅየት እልትዛም ተአረፍዐ።

• ጸላም ወገረማናይት ዕን ለዐለት እለ ነፈር

ዊልያም ዜፋል ለልትባህል እት መዲነት ሳንፍራንቴስኮ አሜርካ ዲብለ ትወለድ እቱ ወቅት። ለሐቲ ዕንቱ ጸላም ወለሐቲ ህዬ ገረማን ዐለየ። ሐር ወድ ዕስረ ወሐቲ ሰነት እትለ ጉበኦ እቱ ወቅት። ለገረማናይት ዕንቱ ሕብረ እት ጸለም ልትበደል እት ሀለ። ላመ ጸላም ለዐለት ዕንቱ እት ገረማናይት ሕብረ ክም ትበደለት ልትሀደግ።

• አርበኛ ዕን ለዐለት እለ ነፈር

እት ሲን አርበኛ ጠቢዕያት ላተን ዕንታት ለዐለት እለ ነፈር ክም ዐለ ልትአመር። እለ ወድ ሲን ላቱ ነፈር ‘ልዮ ሺንግ’ ልትበህል ዐለ። እለ ነፈር እለ እት ትወለድ እቱ ወቅት ክል ዕንቱቱ ከሐቲ መንታይተ ዲብ ብጎረ ትወለድ። ለእናሰ እለን አርበኛ ዕንቱ አክል-ሕድ ሰኒ ወአማን ልርእየ ነብረየ። እለ እናሰ እለ እት ሐያቱ ሰኒ ዕጽም ሰበት ዐለ። ሓክም አቅሊም ሳንስ እንዴ ጉበኦ ሸቀ። ወሐርመ አሰክ ደረጀት ወዘር ክም በጽሐ ልትአመር። ለእናሰ ስታይ ከምረት ወትልህየ ቅማር ሰኒ ፈቱ ክም ዐላመ ልትአመር።

• እግል መደት 27 ሰነት አሜፍሩ ለአሬመ ነፈር

ምነ ብዙሕ ወቅት እት ፍንጌ ውላድ ህንድ ላቶም ሓግላም ውላድ ሲን ላቶም ካህናት ለልትረአየ ዓዳት ሐቲ። ዓደት አርየሞት አጭፋር ተ። ከዎሮት ምን ሸንግሃይ ላቱ ካህን ለአሜፍሩ እግል መደት 27 ሰነት እንዴ ኢላሓጭሩ እግል ልብቀል እለ ሰበት ጠለቀዩ። ለሪምለ አጭፋሩ አሰክ 60 ሰንቲሜትር እግል ልብጸሕ እለ ቀድረ።

ዝበድ
ዘየታት

ገሌ ምን ረአሰክ ለኢለአወልጥ ሕልም ዶል ለሀሌ እግልከ። አሰክ እት አማን ትበድሉ ብዕዳም ለእለ ቤለው ሊበሉ እንተ እብ ክለ ሐለትክ ወእምበል ሕላሌ ክደሙ። እብለ ገበይ እለ ሌጣ ቱ ሕልም እት አማን ለልትበደል።

ሰኒ ግሩማት ላተን ናይ ዕልም ሐቃይቅ

1. ግዝፍ ጸሓይ 330,330 ዕጽፍ ናይ ግዝፍ ምድር ጉበእ።

2. ባሕሲን ክመ አከደወ። ንሰበት ናይለ እብ አዝማት ልብ ለልትጸበጦ አንፋር ፍንጌለ ምን ብ’ለዕ ዓሰ ለለአበዝሐ እት ትውሕድ ትመጽእ.. እሎም ውላድ ብሪጣንያ ላቶም ባሕሲን እለ እግል ለአክዶ ክም ደሊል ለትነፍዐው እቡ ሰዋብት። ውላድ ጃፓን ወሸዐብ እስኪሞ ለአግደ ሙነቶም እት ዓሰ ሰበት ተአተንክብ እብ ሕማማት አዝመት ልብ እግል ልትጸበጦ ለቦም ቱ በክት ሰኒ ሐዳይ ክም ቱ አሰአለው።

3. ክልኢተን እደይ ወድ ኣደሚ ሐድ 27 ዐጭም ልትረከብ እተን። ክል መነን ህዬ 19 መጅሙዐት አሰዐድ ከምክመ።

4. ሐቲ ዕጩት ምነ እት ገበይ ሌጠ ለሀለየ ዕጩይ። እት ቀበት ሐቲ ሳዐት ምነ እግል ሐዮት ሰኒ ድሩሪ ላቱ ጋዝ አክሲጂን ምን ለዐል ክልኤ ኪሎ ግራም ለጉበእ ለአነሰሕ.. ወአርበኛ ፍዳን ለትጉበእ እብ ዕጩይ ለትገልበበ ምስድር እግል አዳም ለነብር እተን አካናት ምን ሐድ 22 ቶን

ናይ ረብረብ እግል ልዳፍዐ ቀድረ..ወሐቲ ዕጩት ህዬ ለሐሰት ጠቢዕታይት ሰፋየት ሸማል ለትመኔሕ ብቀለት ተ።

5. ምነ ለአትፈክሮ ጋራት። ድሙ እግል ትትሐጽብ ኢትፈቱ..ወዲብ እለ ጋር እንዴ ቀሰብካህ እብ ሐለት እግል ትሕጸበ ጀረብክ ምን ጉበኦ። እትለ በዝሐ ወቅት እግል ጽብጠ ለሀለ ነፈር መሓክር ትወዴ ዲብ።

6. እት ረአሰ ዐፋይ ኣደሚ ለልትረከብ ጩገር ሐድ 120 አልፍ ሸቢበት ጉበእ ወክልመ ለጭገር ሓምል ጉበኦተ። ዝያደት እት በዜሕ ልትርኤ..ወሐሚራይ ጭገርመ ምነ ጸለም ጭገር በዜሕ። ጭገር ቀዩሕ ህዬ ክል-ዶል ለሐዳ ቱ ውበዝሐናሁ ምን 90 አልፍ ሸቢበት ኢለሐልፍ። እለ ዐደድ እለ ህዬ። እት ቀበት 5 ሰነት ክሉ እብ ሐዲስ ሸቢብ ልትበደል። ወእት ቀበት ሐቲ ምዕል ምን 50-60 ሸቢበት ልትከፍከፍ።

7. ዲብ እለ እዲነ ሐድ 2700 ሂገ ህለየ። ለበዝሐ ምነን ህዬ ዲብ ቃረት አሰየ ለልትረከብ ገባይል ልትሃጌ እበን።

ሰለሰ ዕዉት እግል ትግበእ ለሰድያክ ዘየታት

- ምን ብዕዳም ወለዐል ክም ተአምር ግበእ።
- ምን ብዕዳም ወለዐል ትጸገም።
- ምነ ብዕዳም ለረከብ ወተሐት እግል ትርከብ ታኪ።

ዊልያም ሺክሰፒር

እብ ክሱስ መሰንዮት

- ለናይ አማን ምስንዮት አክል-ሕድ ክም ዓፍየት ወድ አደሚተ። ዐውለ ለሰእነየ ሌጠ ለአምሩ።
- ዶል ለእተ ጀራዲን ለዐለ ማየታት ዘፍፋተ። ግምሽ ላቶም መሳኒት በዱ ልትበህል።
- መሰንዮት ለካልኣይ ገጽ ናይ ፈታተ። ምናተ ለሰኔቱ። እለ ገጽ እለ ክሉ ረእሱ እግል ልሰግር ለኢቀድር ገጽ ቱ።
- ክል ዎሮት ምነ እሎም ብክ መሳኒት ዎሮት ምን እሎም ሰለሰ አድብ ለሀሌ እለ። አው ፈቱክ ጉበኦ። አውመ ለአቤክ ጉበኦ አውመ ህዬ ለልትቀደን ምንክ እግል ልግበእ ቀድር።

ጠግሞተት

ጀላብ እለ ርሕነ ሌጠ ዶል እነብር። እለ እዲነ ሐሜር ወሕድት ትመስል እትነ..ምነ ዶል ለጋራት እት እንፍህም ለአንበትናሃተ ተአነብት። ወእለ ሕ’ዱድ ላቱ ዕምርነ ዶል ልትከለስ ምስሉ ተአከ’ትም። ምናተ ጀላብ ብዕዳም ዶል እነብር። በህለት ጀላብ ገሌ ፍክረት ዶል እነብር። እለ እዲነ ረያም ወሰኒ ቁሪት እንዴ ጉበኦት ትትሰምዐነ..ምነ እንሳንዮት ለአንበተት እቱ ወቅት ተአነብት። ወሐቅ ትሳራሕናመ ተአትላሌ።

ተበሰም

ለሕወዝ ርኢሰ ውዘረ ብሪጣንያ እግል ሃምር በርናርድ ሾ። “እግልክ ለልርኤ ብሪጣንያ ፈለል እኩይ እተ ለሀለ መስሉ” ቤለዩ። ህቱ ህዬ። “እከ ለልርኤ ህዬ ሰብብለ ፈለል እተ ዶሉ ለአምሩ” ቤለዩ።

በህል እመራም

- እሉ ዶል ሰአንኪ እብ መጊ ጉበእ ሸዐርኪ? ለጋር ክመ እት ክለ ሐያትዬ ለሰመዕክወን ዝያታት “ሰርሐ” ምን ሐዲስ ክለን ሐቲ ዶል እሰምዐን። ለህሌኮ መስለ እትዩ። (ላንግ ሌፍ)
- ሸሉጥ ግበእ። እለ ህዬ ደለ እሉ ትረክብ ነፈር እት መዕረክት ሰኒ ኬልም ሸሙም ሰበት ሀላ ቱ። (እፍላጦን)
- “ነሃየት ሰነት..ሰልፍ ኢኮን ወደንገብ። ህተ ለእሉ ብነ አምር ወልባብ ለትከልቀ ወአሰክ እለ ምስልነ ለህሌት ተ። “ (ሃል ቦላንድ)
- “ጽጉባብ ቅብላት ሕድ ሐርብ ዶል ለሀርሶ... ሓግላም ቶም ለመዶቶ እተ።” (ጆን ሳርተር)

መዕሉመት

እናሰ ዓዲ ሐድ 20 አልፍ ከጥወት እት ምዕል ገይሲ.. እለ በህለት እት ቀበት 80 ሰኖታት ናይ ዕምሩ። እግል እዲነ እብ ሓለ ሰስ ዶል ወዶረየ ዐለ በህለት ቱ።

በህል

- አበ ድቁብ ለትወዴኪ። ወሕቅድ ዓቅል ለወዴኪ። ወዐደም ረሕመት ሕሹም ለትወዴክ ኢልምስል እትኪ። ሕ’ሸምት ነፍሰ መሴምሓይት ሌጣ ተ። ህተ እምበል ሕላሌ ዐጉብ ብዕዳም ወመዋዲት ግሉል መቅጠን እንዴ ወዴት እሉ ለትነብር ነፍሰ ተ።
- ታሪክ በለሊት ቃለ ለለብስ ኢፈቅዱ። ምናተ ክልዶል ለፈቅዱ ነፈር ሀለ ምን ጉበኦ ለሀይ ለጀላብ ቃለ ወቀይ ለከድም ሌጣ ቱ።
- ሐዳይ ምን ዕልም ዐመል እብ ቢያን ለትሓበረዩ። ምን ብዙሕ ዕልም እት ዐመል ለኢልውዕል ዝያደ መንፈዐት ቡ..ዕልም ቅዱስ ጋር ቱ ወህቱ ለሀደፍ ኖሱ ቱ።
- ገሌ አንስ ህዳይ ዲብ ረአሰ እናሰ አከረን ለልትፈደየ እቡ በክት መስል እተን።



ጌግግም መሀረጃን ሰነድ 2018



ወጠንያይት ልጅነት አትመቃረሐት ዓያድ፡ “ሰላም እግል ዐቦት ዳይመት” እትሐንቴለ ትብል ሰቅራት ምን ዮም 31 አንስት አስክ 8 ሰብተምበር ለገአ መሀረጃን ኤረትሮየ 2018 ለጌምም ህድግ እት ዮም 12 አክቶበር ሰርገለት።

እት መክሰቲ ናይላ መስኡሊን
አቅሳም ዓዳት ወርያደት እት

አኢቃሊም፡ መመቅረሐት ልጃን
መሀረጃን፡ ሰብ-ወራት ፊን
ወሐካም ለሐድረው እቱ ጌማም፡
መፈወድ ዓዓት ወርያደት ወርኢሰ
ወጠንያደት ልጅነት አትመቃረሐት
ዓያድ ሰፈር ዘመዴ ተኽሊ እተ
አሰመዐየ ከሊመት፡ ለሀደና
ኣርኢ ብሹል እግል ልትረከብ፡
ከምሰላሁመ እግል ልርተህ ለወጅቡ

አኸጣኣት ኦርተዖት ወግረ እለ
ለሐሰ መዳሊት እግል ልግበእ
ኦርደት አጥፊሐት ክምቲ ሸርሐ።

ሐቆ እሊ፡ እብ ክል አቅሊም
እተ ትሰርገለ ወራታት ለትቀደመ
ጽበጥ ወለዐ ጀግንብ ፈዳብ
ወሐዋን ለወድሕ ተቃሪር ቀርብ
ወጌማም ገአ እቲ።

እብ ኣሳሰለ ትቀደመ ጌማም፡
እብ ኩለን ኣቃሊም እት ናይ ለመድ

ለትወጣ ናይ መዳሊት ወቅት እግል ለሀሌ እሉ፡ እት ታሪኽ ቀውምያት ለጉበኔ ሕፍዝ እበ ትነዝመት ገበይ እግል ልግበእ፡ ዕፌ ለልትቀደመ እቲ መበረሕ ህዩ ዉጡይ እግል ልግበእ ውበዕድ ለልብል ኣራእ ትቀደመ።

ሰፊር ዘመዴ ኣተ ኣሰመዐየ ናይ መድብኢ ክሊመት፡ ኣብ ሽዑብ ወክሎም ኣጅሀዘት ሕኩመት ወጀብህት ለገኦ መትሓዳይ ወመሻረከት ሐምዴሁ ቀደመ።

ቅርብ

ሕጼ ኣመቱ ኢተኣመረት

ፀሐፊ ፀሐፍን ፀሊ

ያስሚን አዜመ እግል አቡሀ “ይብ ሐሰብኩ፡ ስምዐኒ የም ክም መርሐለት በጽሐኮ ሚ እትሀዱ፡ ናይ ሐቲ ሰነት ድራሰት ታርፈኛ ሰበት ህሌት፡ ዐይብከ ወሐሰብከ ረቢ ኖረህ” እት ትብል እግል እብ ክልኤ ምልተሐ ልትጀርበበ ምነ ለዐለየ ሕፋሰት አናብዐ እት ትማሰስ እግል አቡሀ ምን ኩሉ ልበ ረምቀቲ ወትረጃቲ። አዜመ ያስሚን ምስል ርሐ ዲብ ትትገራገም ወተሐራጽጽ ክሉ ሸእ ምንኩር ወምሰተንክር ጋብእ እት ዲብ እንቲ “አሕ! ኣነ ለበክኛ!” እት ትብል ጎማም ሌጠ ካፈለት። ሐቆ እለ ያስሚን እብል ቀጣይን ወግሩማት አጩብዓተ እግል ጋምል ሸለለ እት ነጭጭ አሰክ እ’መ ለዐለት እት ቤት ትገባት። ያስሚን እት ደሚረ ላቲ ቅያሰ ለአለቡ ሕሳባት ለአትቀባብል ዐለ። “ኣነ አዜ ከላሰ ሐቆ ተሀዲኮ ምን ሰናኛ ወፈተ’ኛ ተረኖኩ፡ አዜ እግል እትሀዱ ወሐቆህ እግል እወለድቲ ወኩሉ ቴለልን ምን ቅድረትን ወለዐል እግል ልገበእቲ” ትቤ ወብለ፡ ደሚረ ኢትረየሐ ወኢትበሰጠት። ምን ቅሽን ዲብ ቅሽን ዲብ ሰርር እብ በይነ ሌጠ ገርምገም እት ትብል “ከላሰ ኣነ ወድራሰት ክልኤ ገበይ ነሰኣን? አሕ!” ትቤ ክለ ለሓለት ዲብ ሸቃላት ኩሪተ ዲብ እንተ።

ያስሚን አቡሀ ምን ቀላ ለቀይር መስል ይወላ። በርሀ ምን ጠቢባቱ እናሰ ሰኒ ሸዉክ ወቀሉ ለኢበድል ሰበት ገብአ፡ ወለቱ ለእለ ተሐሰበት ምን ተሐሰበቱ ከበረ ኢነስአ ዲብ ለሐራጽጽ ህዬ፡ “ምን ዮም ወሐር አሰክ ኩልየት እግል እትበገሰቱ ለልብል ሕሳብ ተሐሰበ. ህሌኪ ምን ገብእ ኢተሐይሰ እግልኪ! ፍተይ ወእበይ መድረሰት ገድም ከፊኪ ምን” እት ልብል ናይ አክር ብትክቱ ወደሐ እግለ። መስኪነት ያስሚን ፍንጌ ክልኤ እሳት በሸለት፡ ክልኤ ግብእ ወሕሰረ ሚ ትባሰር ገብእ? አቡሀ አዜመ ዲብ ለሐራጽጽ “ የሀይ ወለት ለዐል ወተሐት እንዴ ኢትብሊ. እት ልብኪ እግል ትውደየ ለብኪ፡ ፈጅር ሕጼኪ ሰበት ህለ፡ ጋሽ እግል ልምጽኦነ ሰበት ቱ፡ ምን እለ ቤት ተወዝ ኢትብሊ። ህዳይመ እተ አሰረ ሕዳይ እግል ንውደየ ክምቱ ኣምረቱ ሌጠ ጽንሐ። እትሊ በርናምጅ እለ. እንቲ ወእምኪ ረአይክን እግል ተሀበ ኩሉ-ኩሉ ይእሰ’ሚሕ እግልክን፡ ሰበቡ እንትን ለህግ ወለጎማት ክም ክርቢታይ እት ጸርመት ጳብጥ ሰበት ተአጸብጣህ ምን ቀዳምክን ምን ትትጀመለ ምን ለሐይሰ” ቤለየን።

በርህ' መሸወክ ሰበትቱ፡ እሴቱ ወወለቱ ሐቴክ አፋህ ወእዳህ ጸብጠትክ መተቅብለት ገብአየ። ትም ምን ቤሊያመ ሰበት ኢትረይሐ እግለንቱ ገብእ። አዜመ እንዴ ትወለበ እትን “ትሰመዓኒ ህሌክን፡ እሊ ተበርደድ እሊ እንቲ ወእምኪ እንዴ አዘምክን ምኑ፡ ሞጅብክን አትምመ” ቤለየን። ፈጅር ለአንሰ ግዋሬ አሰእህን፡ እግል ልሳወደክን” እት ልብል ያሰሟን ወለቱ እንዴ ትበኬ ወትጃምም ምን ገጸ ክበባ ገብአ።

ዐድ በርህ አምዕል ሕጹ'መ የአፊመት ተለው ሌጠ ቱለቶም። ፈጅራተ ትርካይ ሓይሳም ሰብ ገጽ ወሸማገሌታት እንዴ ጸብጠ ዕመቱ እት ለዐምም ወሰማዲቱ እት ልትወናዘቶ “የህው ሰብ ዐድ አሰለም ወዐለይኩም?” ቤለ ከዲበ እግሎም ዱሌት ለዐለት ዕጪት ጋምለት እበ ዕዛለ ዲብ መረሐም።

ለጋሽ እተ ኑጽፍ እግሎም ለዐለ ሐለዊት ነጻጽፍ ለግሩም፡ ሰሮም ህዩ እተ ሙዱድ እግሎም ለዐለ ብርሽ በህለት ብሱጥ አስተርሐው። በርህ'መ እብ ጀህቱ ወለ ሐበት ኢጠምዑ፡ ጋሻዬ እግል ልትበሰጥ ወለኣርቴሕ እንዴ ቤለ ጀበነት እንዴ ኣዳለው እግሎም አወል አሰር አወል እት ፈልሕ ወትትዐሌ ሼደሊሆም ሰተው። ሐቆ ሑዳት ደቃይቅ በርህ ማኑ ወገለቡ እንዴ ትወለበ "የሀው ለኑበረ ህዩ ትረስዕናህ መሰለኒ፡ ገሌሆም ለሰብ ላቱ ከረ ዳውድ ምን አርድ ረዩም እግዉሓምቶም ከብዶም ሕድ ተሐራፍጭ ህሌት መሰለኒ። ላመ ድግም አዝመ ምን ትርእዩ ህሌክ" እት ልብል እብ ደኣል ፈረሽክ እብ ሰሓቅ ወደዮም። ወእግለ ዱሊት እግሎም ለዐለት ኑበረ እንዴ ተዐገለው ብስምላህ ቤለው ወጽብሑም በልዐው።

ምን ዲኦሪዬ

ከላሰ እዲዬ ሃብኩ

ዝክርያቼ ብዙሕ ቲ፡ ሲያሰቼ
ምሰል ዋልዴንክ ዝያድ ትሰሓቅከ
ወእቦም ክም ትትሻቀል ኣሸዐርካሆም
ምንገብእ፡ ፊጅር ለገብእት ሓጅት
ጀሬት እትከ ምንገብእ ሐቲ እግል
ልክህሎ ኢቀድሮ። እብል ሰበት
ዐልኮ፡ እት እሻቀል እቦም ክምሰለ
ሕሰርም ለኣለብዬ እንዴ ትመሰልኮ
እገይሰ ሰበት ዐልኮ ወእብ ደሚርዬ
ህዬ ዝያድ እትሻቀል እቦም ሰበት
ዐልኮ፡ ዮም እሊ እቼ ኣኪ ህለ።
እግልሚ ፋርሕ ወልወቅ እት ኣነ
እት ብሉቶም ወኣብሬትም እግል
እሰዐሞም እት ሐዜ ዘበን ህለ እግሉ-
እት እብል ዘበን ለረቢ ከልቀዩ ሰበት
ተምመ ምንዬ ዮም ዳርሰ ህለኮ።

ማሌ እግል እለውቀ ወምስለ እተልሄ ሐዘ ለዐልኮ እምዬ ግራሃ ክም ሀበተኒ ትፈሀሚኒ እት ደሚርዬ ደርር ለዐለት ራሐመት እብ ዕንበዕ ክም ተሓወልኩው እለ እስትራትጅይየት እለ ክም ኢትነፍሶ ኣመርኩ።

ከላላ እዳዬ ሁብኩ፡ ለቀደመ
እለ ገብአት ትክፈኒ እቤ፡ እትላ
እዲኔ እብ ሕበር ለህሌናሁ ወክድ
ምስል ዋልዳዬ እግል እትሃጃክ
ወእትሰሐቅ ሐሬኩ፡ እግልሚ ትዕሰ
ማሌ ትክፈኒ ሰባት እቤ።

ምኖተ አቡዬ አለ ሐሰደት
ዘዐት እብ ትሉሉ ዳግመ እግልዬ
ሰበት ህሉ፡ ለድግማ እተ ውሰዋሰ
ገብእ ሰበት ህሉት ሰኒ ወአማን
እስርት እቼ ህሉት፡ ምራጂ ብዙሕ
ሰበት ዐለ ወሄራር ሐያቹ ልሰዕ ሐቱ
ምስዳር ናሰእ ምኑ ሰበት ይህሉኩ፡
ለህግደሁ እንዴ ፈቀድኩ ነፍሼ እተ
እንዴ ትወለብኩ ለእተ ማጽኦ ለህለ



ተቅደር እገንሐ ወእግል ሀዳይ ታምም ወሓልፍ ክምህሌኮ አክድ ምኒ።

እሊ በሰ ዋጅብቱ ምን እብልመ ብዙሕ መሐለኪት ክም ህለ ሰበት ልትርኤኔ፡ እሊ መሐለኪቹ እሊ እማል እፋትሕ ኬን ወእንሰር እብል ህሌኩ። ዝሩፍ እዲነ ፡ናይ አማን መልህይ ውበዕድ እት ወግም አትዩ።

ክትር ለእግለ ህሌት ወለ ናይ
ዋልደዬ ድቁጣት በዝሓ እጅ፤
ምነ ሐሰቡ ለዐልት ፍክረት እት
ገሌ ንቃዋ ተቅዩር ዋዲ ህሌኩ፤
እግልዬ ለትመሰል እብለ ሐያት
እ'ለ ለሐልፈት አገብአት አንሳይት
ምን እረክብ፤ ለገብእ ህጻይ ፋሻት
ወክእነ አነ ለህሌት እት ደረጀት
ሸቅል ለወድዉ ዐዙማት ወፈረሐ
እንዴ አወለዋት ምኑ፤ ሰለሰ ነፌራይ
ለበ መናሰበት እንዴ ወዴት እግል
አትምሙ ወይአበኩ፤


መድሐር እሊ ዕምሩ እግልነ
ለሐለፊዩ አቡዬ እግል እርኩብ
እንዴ እቡቲ። ዮም ለማሌ እት

ሐለመ ለዐልኮ ሐያት ኢኮን ለህሌት። ሕልምዬ ከፎ ፍጃን ማይ እንዴት ትካፈለት ምሰልዬ እለ እዲነ ለትጋብህ መልህዬ እረክብቱ ቲ። ነሰበ እት ወግም እንዴት ይላቱ ገበይ ረቢህ እንዴት ጸብጠት እበ ቅፍረቲተ ተሐይሰ ተሐምቅ ለትብል ምሰልዬ ወእለ እብ ሰበቹ ሱኮብ ካልእ ለህለ አቡዬ እብ ሸቅ'ለ ወረሐሙተ እግል ዋልዳዬ ክም ወአቡህ እንዴት ርኤቱ ምራዱ ለተአተምም እግሉ አንጎላይት ሐዜ ህሌኩ።

እሊታት ውበዕድ ልብዬ ሰበት መልክ፡ እብ ክእን ሐያት ለሐልፈት አንሳይት አክ'ለ ረከብኩ ጸልዕህ ምስል እግል ንሰፈሩ እንዴ እቤ፡ እንዴ ይሐብዕ ወይእሰትር ታሪክ ሐያቺ እዳግም እግለ ሀሊኩ።

ለኪን ጸልዕዬ ለትሰፍፍ እምበል
ጸልዕዬ ለትናክእ አንሳይት ዕንቼ
ቃዋሐት ይህሉት፡ ሕሻከ አንሳት
ክእናመ ብእተን የሀው፡አክለ እግል
ሂዴ እቤ አክያብ መታክል አተርብ
ሀሌኮ።

ምን ኢ.ፋ.ልኪ ነፍሰ 2015



ጅግረ ርዶደት ቅዋት ድፈዕ ኤረትርዩ ተምም

ምን ሄልል ሰብተምበር እንዴ አንበተ እግል 43 አምዕል ለሄረረ ጅግረ ወራታት ርዶደት ቅዋት ድፈዕ ኤረትርዩ እት ዮም 13 አክቶበር ሰነት 2018 ተምመ። እሊ እት ክል ክልኤ ሰነት ለጉበኣ ጅግረ ወራታት ቅዋት ድፈዕ ኤረትርዩ ዮም ዓመትመ እት መዲነት ከረን እብ ነያረት ሕርበቱ ከረ።



እትሊ ጅግረ እሊ ለሻረከ ፍረቅ ርዶደት ቅዋት ድፈዕ ኤረትርዩ፡ ዮም ዓመትመ 9 ፍረቅ እንዴ ከምከም ጅግረ

ለጉበኣ 14^ይ ጅግረ ርዶደት ቅዋት ድፈዕ ኤረትርዩ እብ ሐምሰ ጅንሰ ርዶደት ለአተላለ ዐሉ፡ ህቱ ህዩ ኩረት እግር፡ ሾሊቦል፡ባስኬት ቦል፡ አትሌቲክስ ወኔሸኖት ለሐየባ ቱ።

እትሊ ወሬሕ ወሰር ለአተላለ ጅግረ ርዶደት ቅዋት ድፈዕ ኤረትርዩ ለትዐወተው አፍራድ ወፍረቅ ጀዋእዝ ተህየቡ። እብ

ምን ውላድ ተብዕን ህዩ፡ ሕሩይ መተልህያይ ኩረት ሾሊቦል አቤል ዘርኡ ምን ፈሪቅ ሐሬክ፡ለሐሰ መሰጅል ጎል ኩረት ባስኬት እስራኤል ሙሉጌተ ምን ፈሪቅ ሳወ፡ ሕሩይ መተልህያይ ኩረት ሾሊቦል ዐወት ፍትዊ ምን ፈሪቅ ሳወ፡ ሕሩይ መተልህያይ ኩረት እግር እዮብ ግርማይ ምን ፈሪቅ ዐንበርቡቡ ሚልካይ ለበዝሐ አግዋል ፍሊምን ሞዑምእዝ። ምን ፈሪቅ ሹዕላ ቶም።

እብ ደረጃት ፈሪቅ አንሳት ህዩ እት ባስኬት ቦል፡ ፈሪቅ ዐምበርቡብ 1^ይ፡2^ይ ፈሪቅ ሐሬነ ወ3^ይ ህዩ ፈሪቅ ቤኒፈር ጉበኣ እት ህለው፡ እት ጅግረ ሾሊቦል፡ 1ይ ፈሪቅ ሐሬነ፡2ይ ፈሪቅ ዐንበርቡብ ወ3ይ ህዩ ፈሪቅ ብድሆ ዐለው። እብ እንክር ውላድ ተብዕን፡ 1ይ ፈሪቅ ዐንበርቡቡ፡2ይ ፈሪቅ ሐሬነ ወ3ይ ህዩ ፈሪቅ ሳወ እንዴ ጉበኣው ጀዋእዝም ነስአው።

እት ጅግረ አትሌቲክስ እት ናይ አንሳት ጅግረ፡ 1ይ ፈሪቅ ሐሬነ፡2ይ ፈሪቅ ብድሆ ወ3ይ ፈሪቅ ቤኒፈር ጉበኣ እት ህለው፡ ምን ውላድ ተብዕን እብ ደረጃት ፈረቅ፡ 1ይ ፈሪቅ ሐሬነ፡2ይ ፈሪቅ ዐንበርቡብ ወ3ይ ፈሪቅ ብድሆ።

እት ጅግረ ኔሸኖት ፍረቅ አንሳት፡ 1ይ ፈሪቅ ሳወ፡2ይ ፈሪቅ ሐሬነ፡ ወ3ይ ፈሪቅ ሰንዋቅ ጉበኣ እት ህለው፡ እብ ውላድ ተብዕን ፈሪቅ ቤኒፈር ሚርሒትለ ፍረቅ ጸብዋ እት ህለ፡ ፍረቅ ብድሆ ወሐሬነ አሰሩ ተለው።

እት ዕሙማይ ለጅግረ እብ አደብ እንዴ ተሐመደ ጃእዝት ለትህየቦ ፈሪቅ ቤኒፈር ጉበኣ እት ህለ፡ ፈሪቅ ሳወ እት ጅግረ



ማርሺን ዐስከሪ ክም ተዐወተ፡ ፍረቅ ቤኒፈር ውብድሆ እብ ቀደም ትሌ ተለው።

እት ደንጎበ እት ኩረት እግር 1ይ ለፈግረ ፈሪቅ አንሳት ሐሬነ ጉበኣ እት ህለ፡ ፍረቅ ዐንበርቡብ ወቤኒፈር ህዩ 2ይ ወ3ይ ደረጃት ጸብጠው። እብ ውላድ ተብዕን እትሊ ጅግረ እሊ ለትዐወተ ፍረቅ ዐንበርቡቡ ብድሆ ወሐሬነ ምን 1ይ-3ይ ለህለ ደረጃት ረክበው።

እትሊ ጅግራታት ርዶደት ቅዋት ድፈዕ ኤረትርዩ እብ ጀምቦ ንቃዋ ፍረቅ ዐንበርቡብ

ኤረትርዩ ክም ነዋቅስ ለትረኡ፡ ሕዱድ ጅንሰ ርዶደት፡ለበዝሐ ፍረቅ ናይ በዲር መተልህየተን ሰበት አምጸዩ ወሀደፍለ ጅግረ ሐዳይስ ሸባብ ርዶደዩን እግል አፍረዮት ሰበት ጉበኣ፡ምስልህደፍ ለኢልትመጣወር እብ ግብአቱ ገሌ ምኑ ቱ። ለትትሐምድ ህዩ መሻረከት አንሳት ዐለት እግል ትትበህል ልትቀደር፡ እብ ሸዑብ መዲነት ከረን እንዴ ተሐቀፈ ወክድ ጅግረ ርዶደት ሰኔት ለሓለፈ ወራታት ርዶደት ቅዋት ድፈዕ ግረ ክልኤ ሰነት ሐለት ድቅብት ወመጃገረት ሸባብ



ወሐሬነ አክልሕድ ሰበት ጉበኣው ናይ ሰነት 2018 ጅግረ ርዶደት ቅዋት ድፈዕ ኤረትርዩ ሐየት ሓየት ትበህለዩ።

እትሊ ናይ ዮም ዓመት ጅግረ ወራታት ርዶደት ቅዋት ድፈዕ

ርዶደዩን ሰኔት እግል ንትጸበር ምኑ ልትሰኡ። አስኩ ደሐን ወሰላመት ለሀበነ ወልሀበኩም እንዴ ቤለ ሕጋዩ ከረ።

ርዶደት ድቁብ ወዴ አወረሐ። ምን ለትፈናተው ቃደት ዴሸ እትሊ እግል 43 አምዕል ወመስኡሊን ነስአዩ።

እት ባጽዕ ጅግረ ዐጀላት ጉበኣ

እብ መናሰበት 25ይት ሰነት መትአሳሰ መሕበር ምሕርበት ሐርብ ኤረትርዩ እት መዲነት ባጽዕ ጅግረ ዐጀላት ጉበኣ።

ለእት ዮም 14 አክቶበር ሰነት 2018 ለጉበኣ ጅግረ መትላድረት መዲነት ግንደዕ ለሻረከው እቱ ጅግረ ውላድ ወአዋልድ ዐበዩ ወ እት ዕምር ምግባይ ለህለው እት ጉበኣ፡ ለጅግረ ህዩ እብ ምሽተርከት ወመተቅብለት እብ ነያረት ለተማቱ።

ፍገሪትለ ጅግረ ዶል እንርኤ ክእነ ትመስል ዐለት፡-
እት ምግባይ ዕምር ለጉበኣ ጅግረ ውላድ
1^ይ - ሴም ምሕረትአብ - ምን ባጽዕ
2^ይ - ተሰፋልደት ዮሴፍ - ምን ባጽዕ
3^ይ - ኣይመን ዐብዱ - ምን ባጽዕ

አንሳት

1^ይት - ማክዳ ሓይልአብ - ምን ባጽዕ
2^ይት - ሳሮን ገርግሽ - ምን ግንዳዕ
3^ይት - ሊድያ ረዳእ - ምን ባጽዕ

ዐባዩ ውላድ-ተብዕን

1^ይ - ሐበን ተሰፋጋብር - ምን ባጽዕ
2^ይ - ፋኑኤል ማቴዎስ - ምን ባጽዕ
3^ይ - መዋእል ቴድሮስ - ምን ባጽዕ

እንዴ ጉበኣው ጅግራሆም አትመመው። እብሊ ህዩ ለትዳለ እግሎም ጀዋእዝ ምን ለትፈናተው መስኡሊን ነስአው።

መሐመድ ቢን ሰልማን ፈሪቅ ማን ዩናይትድ እግል ልትዛቤ ጀርብ

ዌርሳይ ዐራት መልክ ሰዑዲ ላቱ መሐመድ ቢን ሰልማን ፈሪቅ ማን ዩናይትድ እግል ልትዛቤ ንዩት ክም ቡ እትሊ አያም ቅሩብ ምንመ ትሃገ፡ ለፈሪቅ ለትመልክ ዓይለት ላኪን፡ “ኢፋልክ፡ እሊ ፈሪቅ እሊ እግል ዝቤ ለትዳለ ኢትን!” ክም ቱለቱ እብ ወሳይል እዕላም ንሹሕ ህለ። ዐይለት መልክ ሰዑዲዩ እግል እሊ ፈሪቅ ለጉበኣ ሐድ 850 ቢልዮን ዩሮ ክም ተአፊግር እግሉ ምንመ ሐበረት አስክ እለ ላኪን ገበይ ሰእነት እቱ ህሌት።

ለዓይለት እለ ጀርቤ እለ ትወዴ ለህሌት፡ ፈሪቅ ማን ሲቲ እብ መስኡሊን ዓይለት ድበይ ለለልትመለክ ፈሪቅ እብ ግብአቱ እግል መጃገረት

ለትነስአት ምስዳር ተ ልትበህል ህለ። ክምሰለ ልትአመር ለፈሪቅ እበ ደዓም ለአፍገረዩ ክጠት ሸራከት፡ ምስል መስኡሊን ርዶደት ሰዑዲዩ ናይ አስሁም መፋህመት ክም ቡ ምንመ ተአመረ፡ መሐመድ ቢን ሰልማን ላኪን ለፈሪቅ ሐድ 3 ቢልዮን ማል እንዴ አፍገረ እግሉ፡ እት ጅግራታት ፕሪመርሊግ ስሜቱ ለረፍዕ ፈሪቅ እግል ለህሌ እግሉ ክም ለሐዘቱ ልትሸረሕ ለህለ። ምናተ እሊ ፈሪቅ እሊ እግል ልትመነሕ ለሐዘ ነፈር ሐድ 4 ቢልዮን ማል እግል ለአፍግር እግሉ ህለ እግሉ ልብሎ ሰብ መቅደረት ርዶደት። ፈሪቅ ማን ዩናይትድ እትሊ ወክድ እሊ

እብ ዴን ክምሰልሁመ እብ ሕውነ መደርቡ ወኢመፋህመቱ ምስል መተልህየቱ ምነ እግል ካስ ለልትጃገር ህለ ፍረቅ እንዴ ትደንገረ፡ እት 8^ይ ደረጃት ልትረከብ። ለተሌ ትልህያታትለ ፈሪቅ ህዩ ምስል ቼልሲ ወማን ሲቲ ለወድዩ ሰበት ጉበኣ፡ መደርብለ ፈሪቅ ሆዜ ሞሪኖ እግል ልድረብ፡ ክምሰልሁመ ለፈሪቅ ጸልዐቱ እንዴ ቀሬት እቱ ሰብኡ እግል ለአዝብዉ እት ዐዳገ እግል ኢልክረዉ ፈርህት ህሌት። ሼክ መንሱር ምን ዓይለት መስኡሊን አቡዘቢ ፈሪቅ ማን ሲቲ ቀደም 10 ሰነት ክም ትዛባዩ ልትአመር።



ዲዛይን: ታላሣሽ አብርሃ
ተሰዋሪ : ሳልሕ ዓብደልቃድር

ጀውላት ርኢስ ኢሳይያስ አፍወርቂ ዲብ አቶብዩ

